


Il Strolis Furlan —
— pa'l 1926







AN VII




IL STROLIC FURLAN

PAL

1926

cun duc' i Marciâz e lis Sagris de Furlanie



Societât Filològiche Furlane

UDIN 1925



Carlo Favetti
patriote e poete
guriixan
1819-1892

Calendari par l'an 1926

Principi des Stagions

Primevere	21 di marz	a	10 h	2 m
Istât	21 di juin	a	5 h	30 m
Autûn	23 di setembar	a	20 h	26 m
Unviar	22 di dicembar	a	15 h	34 m

Eclis

Nel 1926 e' saràn dôs eclis di soreli: une ai 14 di zenâr e ché altre ai 9 di lui, ma dutis dôs e' son invisibilis in Itâlie.

Èpochis

L'AN DI CRIST 1926 AL CORISPUINT A L'AN: 6639 dal periodo giulian; — 5686 dai ebreos; — 2679 da la fondazion di Rome; — 2107 da la fondazion di Aquilée; — 1344 dai maometàns.

CALENDARI CIVIL

(Deer. R. 30 dic. 1923, N. 2859)

- 1) Son zornadis di fieste par dut ce c'al riguarde il civil: lis domènis — il prin da l'an — il dì de Pifanie (6 di zenâr) — il 21 di avrìl (Nadâl di Rome) — il dì de Sense — dal Corpus Dòmini — dai sanz Pieri e Pauli (29 di juin) — de Assunte (15 di avòst) — il 20 di setembar — l'Imacolade Concezion (8 di dicembar) — Nadâl (25 di dicembar).

In plui, par Udin, il dì dai sanz Ermàcore e Fortunât (12 di lui) e, par Gurizze, il dì dai sanz Ilari e Tazian (16 di marz), patronos de lis dôs Diòcesis.

- 2) Fiestis nazonâls: la prime domènie di juin (celebrazion de Unitât d'Itâlie e dal Statût) — il 4 di novembar (aniversari de Vitòrie).
- 3) Solenitâz puramentri civils: il 21 di avrìl (Nadâl di Rome) — il 24 di mai (aniversari de declarazion de uere) — il 20 di setembar (aniversari de entrade del Esercitalian a Rome) — 11 di novembar (Natalizi dal Re).

Da pôc e jè stade decretade fieste nazonâl la date de scuviarte da l'Amèriche (12 ot. 1492) e cussì, ma dome pal 1926, la date centenàrie de muart di san Francèsc d'Assisi (4 otub.).

Altris fiestis

8 di zenâr: Natalizi de Regine	2 di juin: Muart di Garibaldi
9 " Muart di V. E. II.	18 di avrìl: Non de Regine
14 di marz: Comm. di Umb. I.	1 di set.: Non dal Re

CALENDARI ECLESIASTIC

Numars corinz

Numar d'aur	8	Lètare dominicàl	c
Epate	XVI	Indizion romane	9
Ciclo solâr	3	Lètare dal martirològio	r

Fiestis mòbils

Setuagésime	31 di zenàr
Prin di di Crésime	17 di fevràr
Pasche	4 di avrìl
Rogazions	3 - 4 - 5 di mai
La Sense	6 id.
Pentecuestis	23 id.
SS. Trinitât	30 id.
Corpus Dòmini	3 di juin
Prime domènie d'Avènt	28 di novembar

Fiestis di precèt

Son di precèt eclesiastic dutis lis domenis e lis altris fiestis religiosis dal Calendari Cìvil, con in plui il dì di S. Josèf (19 di marz). No son però plui di precèt lis fiestis dal sanz Patronos de lis Diòcesis di Udin (ss. Ermàcore e Fortunât), e di Gurizze (ss. Ilari e Tazian).

Quatri timporis

Primevere	24 - 26 - 27 di fevràr
Istât	26 - 28 - 29 di mai
Autûn	15 - 17 - 18 di setembar
Unviar	15 - 17 - 18 di dicembar

Viliis eclesiastichis

L'è proibît da la Glésie di mangiâ di gras: due' i vinars; il prin di e dutis lis sâbidis di Crésime, fur che la sâbide sante dopo di misdî; lis quatri Timporis; lis viliis des Pentecuestis, de Assunte, dai Sanz e di Nadâl.

An	Prin di Crésime	Pasche	La Sense	Pentecuestis	Corpus Dòmini	Prime di Avènt
1927	2 marz	17 avrìl	26 mai	5 juin	16 juin	27 nov.
1928	22 fev.	8 avrìl	17 mai	27 mai	7 juin	2 dic.
1929	18 fevr.	31 marz	9 mai	19 mai	30 mai	1 dic.
1930	5 marz	20 avrìl	29 mai	8 juin	19 juin	30 nov.

La disgràzie dal Strolìc

« Ma ài salvàt chel bon sest di canociàl! »

P. Zorùt.

(Lia mès disgrazie).

Incaricât de nestre Sozietât
di strolegà sul an,
in une gnot serene, sul poiùl,
un Strolìc l' à pontât il canociàl
juste tal umbrizzòn de Lune plene....
Olêso crodi che se à vude a mal?
Ciatansi a sedi crote
senze un sbrendul di nûl
di butà su lis spalìs,
(dismenteànt che cà di nó si use
a mostrà i luvris forsi plui de muse)
i vignì sù la fote
e si metè a sberlà:
— Ce ocòr che tu mi cialis?
Va vie, va vie di là!
Si viôt propri che in tiare
ne si insegne, ne impare la creanze,
e che, cun tanc' malàns che 'o vès, us vanze
morbìn par intrigàsi tai fàz miei.
Cui crodéiso c' o sei?
Mi cioléisio par vuestre camarele
parcè che us ven daùr e us fâs lusór
tignìnus la ciandele
quan' che di gnot 'o lais a fà l'amór?
Àh nò, bambìns, sai ben, co salti fur,
'o sai di fàur dispìet
a duc' chei che lavorin miei tal seur!
Che, se 'o insegnì a là dret
pes stradis ai viandànz;
se, fin dai tìmps antìcs,
mostri l'estro dal mar ai navigànz
a seconde che 'o stoi sintade o in pìs;
se 'o fâs es parturienz fin dî comari;
se il contadìn semene
secònt il miò lunari
spietànt che 'o sedi vece o sedi plene;
se, insumis, fâs dal ben a tanc' dî lor, —
trati come c' al merte il peciadór,
rompìnt i plans dal lari e sul plui biel
scuaiànt il traditór
quan' c' al salte di gnot qualchi ristiel.

'O sa che i disperâz lajù mi batin,
che i gnèurs 'e balin al miò clar sui prâz,
che i poètis mi vain....
e, intànt che i pulz si gratin,
i cians, puarèz, mi bain.
E tu dal canociâl, sece mirindis,
ten a mens: se siròc nol mande un nûl
ti farai viodi jo... za, tu m'intindis....

.....
Ma senze spietà il rest, miez scuintîât,
il Strolie al saltà jù dal poiùl,
al si stuarzè une giambe (e chest pôc mal)
ma al fracassà, colànt, il canociâl
c'al jere, nuie manco, chel «bon sest»
un timp di proprietât
di sior Pieri Zorùt e che, par test,
ué l'apartèn 'e nestre Sozietât.

n.

NOTE

Par chest *infortùnio* 'e vin dovùt ricorì ai pronostics di za un secul,
che juste il gran strolie Zorùt nus à lassâz in ereditât. Tant, il mont al
va indenànt istès, e forsi mior, senze burl fur simpri ale di gnâf.

Dové scrivi, ulé scrivi e no savé
ce che si jà di scrivi è un gran torment.
Il Strolie un sbegâz spieta di mè...
nuia mi ven, c'al sei 'datât, in ment.
Su lis ciossis dal mont, no sai perzè,
di ciantà no mi sinti in chist momènt;
la moda che si viot al di di ué
di poema no dà ziar argomènt.
Jo di nuia fabrichi cà un sunèt
per no lassà passà la vecia usanza
e che 'l me puest no resti propri net.
Di vé fat ale di bon jài la speranza,
perzè, plui che lassànt il sfoglio net,
jài dimostrât cussì la me ignoranza.

Gurizza, otubar 1925.

ALBERTO MICHELSTAEDTER

Il bulo

La canicule avostane
Si s'ciadene pal Friul:
Dal Ciavàl a l'Amariane
No si viôt un bar di nûl;

No si viôt une cisile
A rasà cu' l'ale il prât,
Mance l'aghe in ogni vile
E si stente a tirà il flât.

Ma cialait chel moscardìn
Cun ché ande di paròn!
Ta chel cialt al à il morbìn
Di là in volte a sdrondenòn.

Quanche apene al criche il dì
Al dismòf la so famee,
E si ciàtilu a misdì

Simpri in gionde, simpri in free,
Simpri pront a fài la cort
A chês sioris che al compagne,
Galiôt, sù e jù par l'ort
Pai bearz e pe compagne.

Ogni tant al ponte i pîs,
Al si spache la velade,
Par petà la so ciantade
Tan'che un bulo di paîs.

Chês siorutis tra di lor
'E cisichin cun rispiet:

— Ce vosone di tenór,
O ce bàbio malandrèt! —

Ma se mai la companie
No lu scolte o lu ciol vie,
No 'l matee di meti i guanc'
Par molàlis a duquanc'.

Prepotènt e plen di bòrie,
No 'l fâs nie, ma al vîf in glòrie
Persuadût c' al è un sovràn
S'ance al sgarfe tal ledàn.

Lui nol dopre il cesendeli
Quanche al jeve o al va a durmì:
Al dispòn lui dal soreli,
Al è lui paron dal dì.

Mi diseve un contadin
Che sul pont di matutìn,
Quanche al ciente 'e s'ciampin vie
Il folèt, il diaul, la strie.

A chest bulo inciantandór
Che no'l sint ni cialt ni frèt,
Mi propòn di fàì onór....
Co lu tirin jù dal spèt.

SPARTACO MURATTI

Tresesln, 15 di avost dal 1925.

La prima nef.

Vela, vela!
ché pivela,
ze zidina
che ven jù:
je dindola,
je pindola
co si mola
di là sù.
Je par l'ària
biel ti bala
co si cala
dai nulùz.
Mulisina,
lizierina
va poiànt-si
sui ciavùz,
sui ciavùz
das crëaturis,
che son puris
tant che je
che la bramìn,
che voglonin
e gongolin
dal plasé.
Ma cui vecios
che sbrundulin
e no ùlin
vèla mai,
in tai volis
gi saltona
e i tapona
ju ociài.
Simpri sbocia,
simpri salta,

un minùt
no i dà la pas:
ora in bocia
o sul zarneli,
o in tai voi,
o in pont dal nas.
Ma co viot
lis animutis
che cialuzzin
viars il zîl:
je si disfa
in pavëutis
che sualetin
mil a mil.
E saltuzza
e flocuzza
e baluzza
planc, planin
sui dedùz
colór di rosa,
sui voglùz
d'ogni ninin.
Vela, vela!
birichina,
ze zidina
che ven jù:
je dindola
e si consola
co si mola
di là sù!
Mandi, mandi
blanciulina,
tant ninina,
che ses tu!

Zenâr

Al jevêl sorell a oris 7.51 Al tramonte a lis 16.31 Aldure oris 8.40		(*)		Ultin quart il 7 (8.22) Lune gnove il 14 (7.35)	Prin quart il 20 (23.31) Lune plene il 28 (22.35)	I pronostics di Zorût
✠	1	V	<i>Circoncision dal Signôr</i>	Zenâr al fâs ingrès cu' la pelizze induès.		
	2	S	s. Zòilo conf.			
✠	3	D	<i>Non di Gesù-s.</i> Genovefe			
	4	L	s. Alberto	Un bon fûc e un bon muzzûl e c'al svinti tant c'al ûl.		
	5	M	s. Telèsforo			
✠	6	M	<i>Pifanie</i> (Pasche Tafànie)			
	7	J	s. Grispin			
	8	V	s. Severin	Soi dismontât cumò de luminere; da chel c'ài penetrât, vin nêf e buere.		
			Nat. de Regine Eline (1873)			
	9	S	s. Fortun. - s. Marcellin			
			Muart di V. E. II. (1878)			
✠	10	D	<i>Sacre Famee</i>	Al è fat il prin quart e 'o speri ben; c'al sei pur frêt, baste c'al sei serên.		
	11	L	s. Gino pape			
	12	M	s. Tizian			
	13	M	s. Leônzio			
	14	J	b. Durî di Pord.-s. Ilari L.G.	Sin tal crût da l'unviâr, ne è maravee s'al svinte pal dovê e s'al nevee.		
	15	V	s. Maur - S. Pauli erem.			
	16	S	s. Marcèl pape			
✠	17	D	s. Antoni abât			
	18	L	La Càtedre di s. Pieri	Adasi, fantazzinis, par lis stradis se no volês ciapà des gran culadis.		
	19	M	s. Paulin Pat. di Aquil.			
	20	M	ss. Fabiane Sebastian P.Q.			
	21	J	s. Agnese verg. e m.			
	22	V	s. Vincènz m.	L.P.		
	23	S	s. Emerenziane verg. e m.			
✠	24	D	s. Timòteo - s. Eugenio			
	25	L	Conversion di s. Pauli			
	26	M	s. Policàrp			
	27	M	s. Zuan Grisòstomo			
	28	J	s. Cirilo			
	29	V	s. Francèsc di Sales			
	30	S	s. Martine			
✠	31	D	s. Giùlio predi			
			<i>Setuagèsime</i>			

(*) S'intint simpri pe prime dì dal mès e par Udin.

La mestre da la pipine.

— Pipinute, cà, ti prei;
vuei segnàti propri a lei.
Sù mo, atente, ciale achì:

m... o - mo, m... i - mi.

Sù, il dedùt daùr di mè,
se a lei tu vùs savé!

Ten a mens, par imparà:

r... u - ru, r... a - ra.

Ah! la ciarte tu vorès
za voltade? Cussì spès?

Cussì spès 'a no si pò:

n... e - ne, n... o - no.

Belzà stufe? Ciale atòr!

Lu dis ben a tanc' di lor
che di piès di tè no 'nd è:

v... a - va, v... e - ve.

Brute triste! Mars, va vie;
va cul mùs in compagnie!

Ben, no pues tiràti sù:

t... i - ti, t... u - tu.

ANUTE FABRIS

Santippe⁽¹⁾

« Al miò om »

Santippe, femenate sgiavelade,
dut il dì t'un ciulà, t'un tontonà,
garbe, strambe, redrose spissimade,
chel pùar om, ta lu fâs intosseà.

Sore sere co'l torne da zirade,
sut e sec, nichilit, strent, bacalà,
je lu grimpe, di trince, pa velade,
e jù urlos, ch'a fasin sgrisulà.

La int, scolte e bacane sul balcòn:
cui tamese ché agane s'ciadenade,
cui ti cuinze il pùar om, dut squintiât.

Ma Sòcrate, c'al sa, no si scompòn:
Tai pastiz, co i amis 'e àn mudât strade,
dome che je, cridànt, lu à confuartât.

Rome.

ANE MARIE VILEGNOVE ALATERE

(1) 'E jere la fèmine di Sòcrate, un brâf om che lu àn
copât parcè c'al ere masse just.

Fevrâr

Al jeve il soreli a oris 7.32 Al tramonte a lis 17.10 Al durre oris 9.38		Ultin quart il 6 (0.25)	Prin quart il 19 (13.38)	I pronostics di Zorùt
		Lune gnove il 12 (18.20)	Lune plene il 27 (17.51)	
✚	1 L	s. Ignazi v. m.		
	2 M	La Madone des ciandelis		Poltròn il soreli nol fâs che durmì; si viôt che l'è vieli e stuf di servi.
	3 M	s. Blâs v. m.		
	4 J	s. Andree Corsin v.		
	5 V	s. Aghite v. m.		
	6 S	s. Tito v. s. Dorotee v. m. U.Q.		Continue il frêt e crôt di senti buere; almanco 'e sofle par une buchere.
	7 D	s. Romualt ab. <i>Sesagèsime</i>		
	8 L	s. Giovènzio vesc.		
	9 M	s. Polònie - s. Cirilo di A.		
	10 M	s. Scolàstiche v.		
✚	11 J	La Madone di Lourdes		
	12 V	ss. Siet Fondatòrs L.G.		Il carnevâl l'è curt e nuie miei; l'è il mont plen di flagei, no si à voe di balà, ne di ciantà, parcè che di ogni bande jé une misèrie grande.
	13 S	s. Fos'ce		
	14 D	s. Valantìn v. m. <i>Quinquagèsime</i>		
	15 L	ss. Faustìn e Giovite m.m. <i>Sevrùt</i>		
	16 M	s. Giuliane - <i>Ultin di di Carnevâl</i>		
	17 M	ss. Martirs di Concuàrdie s. Simeon Vesc. m.		
	18 J	<i>Prin di di Crèsime</i>		In chest timp no m'inamori al è biel, ma provisorì.
	19 V	s. Giulian m. P.Q.		
	20 S	s. Eleutèri m.		
✚	21 D	s. Massimian		
	22 L	<i>I Domènie di Crèsime</i>		Se i saltàs di nevea ce dirèssiso di fâ? M'insegnavin i pùars viei, mangià ben e bevi miei.
	23 M	Cat. di s. Pieri in Ant. s. Pieri Damian		
	24 M	s. Matie ap. <i>Timp.</i>		
	25 J	s. Feliz pape		
	26 V	s. Sandri <i>Timp.</i>		
	27 S	s. Margarite <i>Timp. L.P.</i>		
	28 D	s. Macari - <i>II di Crès.</i>		Uè fevrâr al è lât fûr: tant l'unviâr l'al tigni dâr.

La lùsìgne

(Vilote)

Sore dai prâz, cìmie
la lùsìgne d'istât.
Cussì fâs la speranze
t'un eur innamorât,

Vele, c'a ti art chî donge!
Ciâpile cu' la man...
Mariute, sù, coragio....
Oh, Dio, c'a è za lontân!

Sul flor da rose spine
si ferme e 'a si distude:
il dêt c'a la cirive
al ciape une sponzude....

Cumò si poe sul racli....
si scuint in tai fasui...
Spessee, rive a grimpâle,
o no tu rivis plui!

E quant che ta la palme
tu la varâs sierade....
Mariute! 'A è brute.... a è nere....
mândile pa' so strade.

Rome

ANE MARIE VILEGNOVE ALATERE

Z'ùlie dî che soi sbatude?...

Z'ùlie dî che soi sbatude?...
che di gnot non duarmi lûs?...
No crôt mai di sei malade,
l'è 'l pinsir che 'l mi distrûs.

Mitipèn che 'l mi à indiaulade
chel tenticul di mos'ciòn...
Cui pensàvie d'invis'ciâsi
par vé dati un sol cialòn?

E cumò che soi biel cuete
jo no foi che strolegà...
Sarès squasin di ciapàlu
par che 'l lassi di becà.

Gurizze, tal zûin 1925.

TITE DI SANDRI

Marz

Al jeve il soreli a oris 6.49 Al tramonte a lis 17.52 Al dure oris 11.3		Ultin quart il 7 (12.49) Lune gnove il 14 (4.30)	Prin quart il 21 (6.12) Lune plene il 29 (11.-)	I pronostics di Zorùt
✠	1 L	s. Albìn		Entre Marz cun muse sèrie, e al mi nase di misèrie.
	2 M	s. Simplizi		
	3 M	s. Anselmo ab.		
	4 J	s. Casimir-s. Lùzio		
	5 V	s. Eusèbi		
	6 S	ss. Perpètuee Filic.		
	7 D	s. Tomàs di Aquin <i>III di Crèsime</i>	U.Q.	
✠	8 L	s. Zuan di Dio		Jè za une setemane che marz l'ha fet ingrès; previòt a la lontane che al svintarà di spès.
	9 M	s. Frances'ce Romane		
	10 M	ss. Quarante martirs		
	11 J	s. Costantin - <i>Mieze Crès.</i>		
	12 V	s. Gregori pape		
	13 S	s. Cristine		
	14 D	s. Matilde - <i>IV di Crès. I.G.</i> Comemor. di Umberto I		
✠	15 L	s. Zacarie p.		Sin in marz e ancemò il frèt a nol tûl disvidrignisi; cun dut chest une polzete à pensât di slizerisi.
	16 M	ss. Ilari e Tazian Patronos de citât di Gurizze		
	17 M	s. Patrizi vesc.		
	18 J	s. Cirilo vesc. dot.		
	19 V	s. <i>Jusèf spòs di M. V.</i>		
	20 S	s. Ipòlito		
	21 D	s. Benedèt ab. <i>D. Pass. P.Q.</i>		
✠	22 L	s. Benvignût		Primevere ogni an fedêl, par sisteme di nature, torne a fâ la so figure, torne zovin come prin. Ma la nestre zoventût, cussì pur no fòssie vere, in t'un lamp 'e rive a sere, nè si viodile a tornà.
	23 M	s. Fedêl m.		
	24 M	s. Gabriel arcagnul		
	25 J	La Nunziade - <i>Titolâr dal Domo di Udin</i>		
	26 V	s. Teodoro		
	27 S	s. Zuan di Damasc		
	28 D	s. Zuan di Cap. - <i>D. Olive</i>		
✠	29 L	s. Secònt	L.P.	Il soreli da ir in cà si scomenze a disglazzà.
	30 M	s. Amadio		
	31 M	s. Beniamin		

Un mus'cìn.

Al è un mus'cìn
tant pitinìn
e lizerin,
che baste une soflade
par fàlu cambià strade;
ma tant birbànt
e tant seciànt,
che guai s'al fòs pì grant!

Penis che 'o soi
butât, e stoi
par siera i voi
— ce biel stà sot la plete! —
soflànt te so trömbete
chel moscardìn
al ven vicìn
planchìn planchìn planchìn!

Zire di cà,
zire di là,
al ven e al va,
sunanmi intòr la orele
lo so cianzòn plui bieie,
al sint o i pâr
che inmò no duar...
nol è sigûr l'afâr...

E donge un cei,
e sui ciavei,
e po tei pei
de barbe al mi sbisie.

Po svelt al svolè vie.
Ciale ce onèst!
E 'o pensi prest
c'al è un mus'cìn di sest.

Tu às ben resòn:
il sanc di un on
nol è tant bon.
Se fòs 'ne bieie frute
fres'cine e tarondute...
Alore po,
sastu, ance jo
no disarès di nò...

E il miò pinsir
c'al svolè in zir,
tant vultir
intòr di ché frutine
tant fres'ce e tant ninine
al va tiessint
cul fìl di arìnt
un vèl di siums lusìnt.

Ma dut t'un bôt
il sium l'è ròt.
Chel galiòt
al mi à dade une sponte.
Slungi la man, jo, pronte.
Ma chel birbànt
biel trömbetant
al s'ciampe coionànt.

GIOV. LORENZONI

Si petenin lis Striis...

Quan' che cole la ploe e i trai soreli,
si sint a di: Si petenin lis Striis...
forsi parcè che il cîl al fâs di spieli
e la ploe, vignìnt jù dai nui a riis
'e somee ciavei... Pietin l'è l'arc
che in Friul al si clame di san Marc...
— Al va dut ben, ma ché des Striis no tache:
ce i jèntрино lis Striis? — Jentrin a mache.

e. n.

Avrìl

Al jeve il sorell a oris 5.48 Al tramonte a lis 18.35 Al dure oris 12.47				Ultin quart il 5 (21.50)	Prin quart il 20 (0.23)	I pronostics di Zorùt	
Lune gnove il 12 (18.56)				Lune plene il 28 (1.17)			
✠	1	J	s. Ugo	} Set. Sante	Se insolènt soffe la buere, e' son flàz di primevere.		
	2	V	s. Francèsc di Pàule				
	3	S	I Siet Dolòrs di M. V.				
	4	D	Pasche				
✠	5	L	s. Vincènz Ferreri	} U.Q.	Rive Pasche suspirade; jé ancimò cu' la sfilzade.		
	6	M	s. Sisto				
	7	M	s. Epifani v.				
	8	J	s. Amànzio v.				
	9	V	s. Demètrio m.				
	10	S	s. Pompeo m.				
	11	D	Domènie in « Albis »				
	12	L	s. s. Giulio pape			} L.G.	Fin che al tire vie cussi 'e mi còmode ance a mi.
13	M	s. Gildo re					
14	M	s. Justìn m.					
15	J	s. Vitorìn					
16	V	s. Calisto m.					
17	S	s. Liberâl c.					
18	D	Ded. dal Domo di Udin					
✠	19	L	s. s. Leon IX p.	} P.Q.	Primevere parigine 'e spassize in vintuline: mene fresc matine e sere... benedete primevere!		
	20	M	s. Adalgise				
	21	M	Patrocini di S. Jusèf - Nadâl di Rome (723 dev. Crist).				
	22	J	s. Sòtero p. e m.				
	23	V	s. Zorz m. - b. Eline di Udin				
	24	S	s. Fedél di Sigmar.				
	25	D	s. Marc evang.				
	26	L	ss. Cleto e Marcellin				
	27	M	s. Zite				
	28	M	s. Pauli de Cròs			} L.P.	Lune plene, cun de ploe nus farà cressi la roe; za l'è un piez che par destin in Friul si à nome vin!
	29	J	s. Pieri m.				
	30	V	s. Catarine di Siene				

Par la so fieste

(Serenade)

Vuei preparàti il dì da la to fieste
e cheste gnot 'o veglerai par te;
vuei che l'Albe domàn meti une vieste
colór di perle... Lasse fà di me.

I lustrerai lis stelis sul zarneli,
la juderai a mètisi i scarpìns
che so marìt, chel pùar biat di vieli,
i compre quant che dîs di là a madìns.

Apene che je ponti un pît sui cuei,
la Lune, ché vaiote, larà sot
a fà lusór, se ur toce il turno, a chei
che, quan' che nó vin dì, par lor jé gnot.

Prin c'al jevi il Soreli i racomandi
di là tal ort de Aurore a cioli sù
dutis lis rosis e che atòr lis spandi
in tiare, in cîl, là che tu cialis tu.

Vuei che l'âlar ti sborfi di rosade
prâz e tavielis, àrbui, pàmpui, flors
e c'al cori indenànt su la to strade
sparnizzànt tor di te tanc' boins odòrs.

— E la mùsiche?... — Tâs, che l'altre sere
soi lât di pueste in bosc dal Rusignûl,
chel gran mestri c'al rive in primevere
cui siei ciantòrs tra i zàmars dal Friul.

Lu ciati e i dîs: — 'O spint chel c'al domande,
ma bisugne che lui si cioli impèn
di prontà un coro come Dio comande;
si trate de so fieste... al sa... — Po ben,

— al mi rispuìnt — nol à di spindi un boro,
se si trate di je, vignìn di bant.
Jé tant ninine! E.. al sintirà ce coro
sot la mé direzion, al miò comànt.

Calandris, petiròs, seriz, e franzei,
la moràtule, il cuc e l'ortolàn,
dutis lis vòs plui bielis dai ucei
lis sòs laudis, su l'albe, 'e cianteràn.

Àstu capît, ninine?... Cumò voi
a dà i òrdins in mût che dut sei pront
prin che il Soreli ti spalanchi i voi,
prin c'al ti bussi cul prin rai la front.

Mai

Al jervo il sorelli a oris 4.57 Al tramonte a lis 19.12 Al dure oris 14.15			Ultin quart il 5 (41.13) Lune gnove l' 11 (23.55)	Prin quart il 19 (18.48) Lune plene il 27 (12.49)	I pronostics di Zorùt
†	1 S	ss. Filip e Jacum			Trote il nùl viars la montagne, che siròc lu sburte sù; pâr che al disi a ste campa- rivedési tornànt jù. (gne :
	2 D	s. Atanasi v. dot.			
	3 L	Invenzion de s. Crôs	Rog.		
	4 M	s. Gotàrt	Rog.		
	5 M	s. Florean; s. Pio Vp.	Rog. U.Q.		
	6 J	s. Stanislao v. m.			Viôt in vile e cà in citât plui di un mûs inamorât.
	7 V	Apariz. di s. Michél			
	8 S	s. Gregori Nazianzàn			
†	9 D	s. Antonin arciv.			
	10 L	s. Francèsc di Jaroni			
	11 M	ss. Nèreo, Pancrazi e comp. mm.	L.G.		'E jê fate la lune e cumò ocòr che nus fasi bon timp se ùl fasi onór.
	12 M	s. Sigismondo re			
†	13 J	<i>La Sense</i>			
	14 V	s. Bonifazi m.			
	15 S	s. Zuan de la Salle			
†	16 D	s. Ubaldo v.			
	17 L	s. Pascàl Baylon c.			
	18 M	s. Venànzio m.			
	19 M	s. Pieri Celestin p.	P.Q.		Un gurizzàn al mèt: «ploia indaùr»; ste volte i pete dentri di sigùr.
	20 J	s. Bernardin di Siene			
	21 V	s. Valènt; s. Antioco			
	22 S	s. Giùlie v.			
†	23 D	<i>Pentecuestis</i>			
	24 L	ss. Donazian e Rogazian			'O sint il timp intòr a bruntulâ; cun dut ches 'o capis che no 'l farà malàns, almanco cà.
	25 M	s. Grivôr VII p.			
	26 M	s. Filip Neri	Timp.		
	27 J	s. Bede dot.	L.P.		
	28 V	s. Agostin v.	Timp.		
	29 S	s. Marie Mad. de Pazzis	Timp.		Jo po fûr dal Friûl no garantis.
†	30 D	s. Feliz p. m.			
	31 L	ss. Trinitât - s. Canzian e comp. mm. di Aquil.			La stagion va ben avonde fin che il timp 'a la seconde.

Mé fie

Tre mès e miez di vite apene, apene,
e za 'e jê la mior frute dal Friûl:
al pâ di un bersalîr ten su la schene,
e sa fâsi capî dut ce che ûl.

Par ciantà vie pe gnot di buine vene
'e sùpare, lu sai, un rusignûl;
so mari 'e dîs che mai no si sint plene,
che i ciuce il sanc senze fregul di dûl.

Un balinût di ciâf simpri in lavôr,
dôs lûsignis di voi che son par dut,
e la bocîute... un vêr capolavôr.

E quant che mi diseis che un pari brut
par une volte tant si à fat onôr,
no mi ten che no i mangi il musticûl.

Corpus Dòmini dal '25.

GERANI PETRÒZ

Soi furlàn.

Co mi alzi a la matina
ciali atòr tra il mont e il pian;
e una vòs tal cûr mi sberla:
Sta contènt: tu ses furlàn!

Il to nono e la to nona
ancià lor jàn fevelât
da la seuna fin ta fuessa
il furlàn che àn tant amât.

No tradi mai la to lenga
se in chist mont ben uelis stà:
tradiressis la to mari,
la to pàtria... e chist no va.

Ma ricuarditi pur simpri
di vizî e di lontàn
che la lenga la plui biela
jà di sei par tè il furlàn!

Chîsta vòs a mè tant ciara
no mi lassa gnot ne dî:
Soi furlàn, allora sberli
uei restà simpri cussì!

Gurizza.

DOLFO CARRARA

Juin

Al jeveli sorelli a oris 4.31 Al tramonte a lis 19.45 Al durre oris 15.27		Ultin quart il 3 (9.9) Lune gnove il 10 (11.8)	Prin quart il 18 (12.14) Lune plene il 25 (22.13)	I pronostics di Zorùt
	1 M	s. Marcellin m.		'E scomenze la galette, ma and è poce di perfete.
	2 M	s. Erasmo m. Muart di Garibaldi (1882)		
✠	3 J	<i>Corpus Dòmini</i> U.Q.		
	4 V	s. Quirin m.		
	5 S	s. Bonifazi v. m.		Straucàz come purcei ' stan i nui su pes montagnis; se no sburtin i Ciargnei cà si brusin lis campagnis.
✠	6 D	b. Beltràm Pat. di Aquil. Fieste dal Statùt		
	7 L	s. Roberto		
	8 M	s. Elisabete		
	9 M	ss. Prin e Felician mm.		
	10 J	s. Margarite reg. L.G.		Restais visàz che l'argoment al strenz;
	11 V	Sacrat. Cûr di Gesù		'o moli prime il clâr e dopo il penz.
✠	12 S	s. Basilide e Comp.mm.		
	13 D	s. Antoni di Pàdue		
	14 L	s. Basili dot.		
	15 M	ss. Feliz e Fort. di Aquil.		
	16 M	s. Francèsc Regis		Soi daùr a combinà che chest quart vei di s'cialdà: za no ocòr tante braùre, al è cialt di so nature.
	17 J	s. Ciriache m.		
	18 V	s. Efrem dot. P.Q.		
	19 S	ss. Gervàs e Protàs mm.		
✠	20 D	s. Silveri p.		Ué l'istât, come savés, impastane la bandiere, e si pon lune e distès sul biel jet di primevere.
	21 L	s. Luìs Gonzaghe		
	22 M	s. Nicète arc. di Aquil.		
	23 M	s. Zenòn		
	24 J	s. Zuan Batiste		
	25 V	s. Guglielmo ab. L.P.		
	26 S	ss. Zuan e Pauli mm.		
✠	27 D	s. Zòilo		
	28 L	s. Ireneo v. m.		Domàn al è S. Pieri e, par sisteme vieri, dentri ste setemane al devi fa montane.
✠	29 M	ss. <i>Pieri e Pauli ap.</i>		
	30 M	Comemor. di s. Pauli		

Il ragn.

Quant che voi vie pe campagne
Tra il biel vert cialànt ca e là
Ogni tant, viodèt, m'implanti
Un ragnùt 'a contemplà,

Che fra i rams ties la so tele,
Cun ché gràzie e chel inzèn.
Senze bòsime ne spuele
Ne telàr, la fàs tant ben.

Vó dirès che chel l'è un barbar,
E che al vîf cul tradimènt.
Eh lassailu: al ciape mos'cis.
Che son nestri gran tormènt

Po, tra i umign, tanc' no sono
Che il zurviel struchin dî e gnot,
Par robàgi al toni, al uarfin,
Fin che lu ridusin crot?

Nol sa il ragn ne lei ne scrivi,
Tantis scienzis, nò, nol ùl
Al lavore sol par vivi
E l'ingian lu trai dal cùl.

I sapienz po tantis voltis
An plasé di vé une crôs
Cul nastrin sul pet che ur lusi,
E son grane', ma braürôs.

Ma il pùar ragn onórs nol spiete
Vîf modèst tal so ciantòn,
E lu puarte su la schene,
Il segnàl de redenzion.

Za savès che simpri legri.
Simpri in pàs nance nol sta:
Un mos'cìon s'intope, al sbreghe,
Zum! l'è libar di passà.

E ce sbrego! Il nestri bàbio
Al si stizze sul momènt,
Dôs s'ciassadis e po in presse
Juste il dam del prepotènt.

E volès che mal io disi
Di chest mariar dal lavór?
Vive il ragn e la so tele,
Il simpatie tiessidór!

Colorèt di Montalbàn, in lui dal 1925.

GUSTAVO TAVOSCHI

Lui

Al jeve il soreli a oris 4.21 Al tramonte a lis 20.— Al durre oris 15.39	Ultin quart il 2 (14.2) Lune gnove il 10 (11.8)	Prin quart il 18 (3.55) Lune plene il 25 (6.13)	I pronostics di Zorùt
---	--	--	--------------------------

✠	1 J	Preziôs Sanc di Gesù	L'è un gran calôr e il cfl l'è senze nui; e si capls che sin tal mês di Lui.
	2 V	Visite di M. V. U.Q.	
	3 S	s. Elidoro vesc. di Altin	
	4 D	s. Uldarì	
	5 L	s. Filumene	
✠	6 M	s. Romul	Sin, furlâns, t'une stagiôn par disgrâziis la plui critiche.. Zito là che 'o sint un ton!... Cà bisugne vé politiche! Cu' lis bielîs, cu' lis buinis tentarai di meti pās; no saràn chês gran rovinis... jo di za cognòs a nās.
	7 M	ss. Cirilo e Metodi v.v.	
	8 J	s. Elisabete reg.	
	9 V	s. Letizie	
	10 S	ss. Feliz e 7 fradis m. L.Q.	
✠	11 D	s. Pio I p. nat. di Aquilee	L'è un serèn che l'namore; crès il cialt ogni di plui; l'è il sortùr come une more, l'al fa il gran dentri di Lui.
	12 L	ss. <i>Ermàcore e Fort.</i> Patronos di Aquilee, di Udin e di dut il Friul.	
	13 M	Ded. de Basil. di Aquilee	
	14 M	s. Bonaventure v.	
	15 J	Il Redentôr	
✠	16 V	La Madone dal Càrmini	Porès dâsi che al plovès: l'è un pronostic a l'ingrues. La lune è plene; nol è afâr segrèt, che za no pò plui piardi di concèt.
	17 S	s. Alèssio	
	18 D	s. Camil de Lellis P.Q.	
	19 L	s. Vicènz di Paule	
	20 M	s. Margarite v. m.	
✠	21 M	s. Prassede v.	Sior Sef l'è un gran cefà in chesc' calòrs cu lis mos'cis, cui pulz e i creditòrs.
	22 J	s. Marie Madalene	
	23 V	s. Apolinàr v. m.	
	24 S	s. Cristine v. m.	
	25 D	s. Jacum ap. L.P.	
	26 L	s. Ane mari de Madone	
	27 M	s. Pantalòn	
	28 M	ss. Nazari e Celso	
	29 J	s. Marte v. Muart di Umberto I (1900)	
	30 V	s. Abdòn e comp. m.m.	
	31 S	s. Ignazi e.	

Sot la piergule

Soi poiade culi, sul caregòn,
sot la piergule, in fresc.
Come tra sium e vee
il voli al cor atòr
pal pizzul zardinùt
vistit d'ogni colór,
e bugadis intànt di bon odór
mì mandin i amorins.

Un aiarìn lizér,
scherzànt di tra lis fueis, parsore il ciáf,
lis mof di cà e di là....

Nò une vòs di cristian,
nò berghelà di fruz : dopo misdi,
l'è cialt, son a durmì.
Al è cidìn par dut.

Ma nò cidìn dal dut:
cocodà di gialinis pal curtìl,
gudulà di colòmps, tacàz tacàz,
badaià e svoletà di passarìns.
e businà di às denànt dal bôz.

Ce 'simìnie là sòt, fra il canelòn?
'Ne robe 'e slùs: doi voi
mì cialin di scuindòn.
— Tuiuti berechìn,
alì tu sês platât?
Pènsistu lì, tra i flors,
ché c'a ti à sgrifignât? —
Sì tire in sot, sì cuzze:
ance lui l'ûl stà in pàs.

Ah! ce lontàn il mont
c'al pâr cul trapeà!
ce soste di biel stà,
e dut dismenteà,
e il cur planchìn, planchìn
sintilu a nizzulà....
Pierdisi vie cussì,
cul ciáf c'al dîs sì.... e.... sì,
fra miez a flors e odòrs,
fà un pisulùt e là
in tal paìs dal sium, là dal lusór,
dulà che Re sovràn al è l'Amór!

Avòst

Al jeve il sorell a oris 4.49 Al tramonte a lis 19.37 Al dure oris 11.48	Lune gnove il 8 (14.49) Prin quart il 16 (17.39)	Lune plene il 23 (13.38) Ultin quart il 30 (5.40)	I pronostics di Zorùt
---	---	--	--------------------------

✠	1 D	s. Pieri « ad Vinc. »	Cul biel timp sin entràz tal mès di Avòst;
	2 L	s. Alfóns de Liguori	cui che l'orès mandàmi un polèz rost,
	3 M	Invenzion di s. Stiefin	anzi magari doi, al sa dulà che 'o stoi.
	4 M	s. Domini c.	
	5 J	La Madone de nêf	
	6 V	Trasfigurazion di N. S.	
	7 S	s. Gaetàn c.	Ce comedis! Lune gnove!
✠	8 D	ss. Ciriaco e comp. m. L.G.	Ogni mès 'o sin di cheste;
	9 L	s. Romàn m.	ogni mès chel barbe Giove
	10 M	s. Laurinz diac. m.	l'è di fànt une di pueste:
	11 M	ss. Tiburzi e Susane	e po dopo apene fate
	12 J	s. Clare v.	se la bute in quatri parz;
	13 V	ss. Ipòlito e Cassian m.m.	no capis ce gust c'al ciate
	14 S	s. Eusèbi c.	a molànuse jù a quarz!
✠	15 D	<i>Assunzion de Madone</i>	Là sul raeli la ciale
	16 L	s. Gioachìn - s. Roc P.Q.	in tal ciant 'a fàs furòrs;
	17 M	s. Milie	la pavee vistude in gale
	18 M	s. Eline imp. (Non da Regine)	va balànt a bussà i flòrs.
	19 J	s. Giacinto c.	
	20 V	s. Bernàrt ab. dot.	Siròc l'è impetolât:
	21 S	ss. Donât e comp. m.m. Patronos di Cividât	ma tant uel c'al rispieti san Donât
✠	22 D	ss. Timòteo e comp. m.m.	
	23 L	s. Filip Benizi c. L.P.	
	24 M	s. Bortul ap.	
	25 M	s. Vico re	Se nol plûf, al ploverà;
	26 J	ss. Ermògenee Fort. m.m. di Aquilee	soi sigùr di no falà.
	27 V	s. Josèf di Calasanzi	
	28 S	s. Agustin v. dot.	
✠	29 D	Decolaz. di s. Zuan Bat.	L'ultin quart al si disbrate
	30 L	s. Rose di Lime U.Q. Nel Domo di Udin fieste di s. Eugènio, protetôr de citât.	cul molànt jù d'ogni fate.
	31 M	s. Raimondo c.	

Pa' l' Esposizion di Cividât dal 1925

(Brindis)

Chel che nus dâ planuris e culinis
quan'che il sudôr dal om 'a lis feconde,
chel che nus puedin dâ lis officinis
quan'che il savé la man dal om seconde,
e i lavorîns di fruz e di bambinis
che movin i prins pàs cun tante gioade,
e i ricâms graziôs di chês nininis
che in cûr nus svêin la passion plui fonde,
dut e po dut nus à maravêât.
Ah ciar Friûl!... Tu jeris îr distrût
e za tu sês ué in flor, bielzà ferbînt
di gnove fuarze e plui simpri ustinât
a volê cûl lavôr vinci pardût.
Vive, o Friûl!... Vive la nestre int!

Vive il Friûl! E vive Cividât,
l'antighe Capitâl gentîl e colte!
Cun fede à preparât cheste racolte,
cun fede e cun amôr nus à clamât.

Come regine 'o viôt cheste citât
sul Flum sintade e 'o pensi che je 'e scolte
di vôs di Lui visà di volte in volte:
"Atênt, Furlân!... Il mont pâr cuietât;
ma dâsi al podarès ance c'al sgari!...
Che in tal to cûr no mueri mai la flame
pa' l'Italie, la nestre sante Mari:
prudênt e pront, reste ai cunfins veglânt,
e se une di la nestre Pâtrie 'e clame,
fât come me, Furlâns: Simpri indenânt!..

MENI DEL BIANCO

Coventàvie invelegnâsi...

Coventàvie invelegnâsi
par ché sbrûdie di gustâ?!...
Mance 'l fuc o un sbit di cròdie?..
Si sta pôc a comedà.

No tu 'nd às par voi dôs boris...
stiz che inzèin e dan calôr...
Po ben cuinze la mignestre
cun t'un gran di bon umôr.

TIER DI SANDRI

Setembar

Al jeve il sorell a oris 5.28 Al tramonte a lis 18.45 Al dure oris 18.17	Lune gnove il 7 (6.45) Prin quart il 15 (5.27)	Lune plene il 21 (21.19) Ultin quart il 28 (18.48)	I pronostics di Zorùt
---	---	---	--------------------------

	1	M	s. Egìdi - s. Vitòrio Non dal Re	Entre il mès cun bieie cere cui sa mai se sarà vere!
	2	J	s. Stieffin re	
	3	V	ss. Eufèmie e comp. m.m. di Aquilee	
✠	4	S	s. Rosàlie - s. Pelài m.	
	5	D	s. Laurinz Giustinian v.	Il possidènt al treme in fin che nol à a ciase
	6	L	s. Emìdio	la vendeme:
	7	M	s. Anastasi di Aquil. L.G.	l'ha dute la rasòn;
	8	M	Nàssite de Madone	ma furtune che jo ten su
	9	J	s. Gorgòn m.	il balòn.
	10	V	s. Nicolò di Tol. c.	
✠	11	S	ss. Proto e Giacìnt m.m.	
	12	D	ss. Non di Marie	
	13	L	s. Amât	
	14	M	Esaltazion de s. Crôs	
	15	M	Madone 7 Dol. <i>Timp. P.Q.</i> Nàssite dal Princip Ereditari (1904)	Daurmàn chestis zornadis t'un momènt si sen scurtadis.
	16	J	s. Cornèlio <i>Timp.</i>	
	17	V	Lis Stîmatis s. F. <i>Timp.</i>	
	18	S	s. Josèf di C.	
✠	19	D	ss. Zenàr e comp.	
	20	L	s. Eustàchi e comp. m.m. Fieste nazional (1870)	L'è il ver timp di vendemà, ma paràltri cui c'and à.
	21	M	s. Matio ap. e vang. L.P.	
	22	M	s. Tomàs di Vilegnove	
	23	J	s. Lin p. m.	
	24	V	La Madone dal Marzedi	Mi pâr che vadi ben di parecià serèn, se ciât passandomàn la sàgre di Bolzàn.
✠	25	S	s. Pacific	
	26	D	ss. Ciprian e Justine m.m.	
	27	L	ss. Cosmee Damian m.m.	
	28	M	s. Venceslao <i>U.Q.</i>	Bielis zornadis, gnòz di paradìs:
	29	M	s. Michél Arcagnul	setembar al finis
	30	J	s. Jaroni dot.	ben i siei dîs.

Nons di ciertàs pietàncias c' ai usava mangiâ una vòlta tal Cianâl da Val Pesarina

Jota di cavocia e fasoi cul clâr,
encia di pestadicia a cui c' ai pâr,
scot, sopa brusada e pendalóns.
c' as mouf dutas lu cuarp, fia tai talóns.

Mesta cuinciada e po rosèons bieì,
cûasai, ciarzóns da fâ dreciâ i ciavei,
polenta dura e ciuc' di chel salât,
frico c' al fâs ai muarz tirâ lu flât.

Rûba buina, si sa, c' a na fâs mâl,
cun batuda, calostra o cun bon seir,
c' a fâs cori tal còment o al bocâl,
e fuì par davour ogni penseir.

Vòtu peta cul ont o fasoi fis,
o 'na cupita di bon sfregolis,
cu tant plaseva a Pîeri da Snè,
mior pietàncias, lafè! tal mont n' and è!

Vòtu cerciâ, mo, chesta rûba buina?
'A ci 'a fâs volanteir encia la Ustina;
miguestras raras cu uia pûac si ûsa,
ma c' a ci ten in môtu, po, ogni bûsa.

Vignèsia, dal 1925.

BEPO RUPIL

NOTE

Jota di cavocia - mignestre di farine, cocis e fasui.

Pestadicia - mignestre di farine, lidric cuet, pestât e fasui.

Scot - une sorte di zuf, cun fasui.

Sopa brusada - farine rustide tal ont o te sponge e sclaride cun lat e aghe.

Pendalóns - mignestre di piròn, fate cun patatis e uainis, cuetis in sieme e cuinzadis.

Rosèons - La part des patatis restadis di chês scieltis par semenze, e po lessadis.

Cûasai - (atènz al acènt sul *û*) - uainis cuinzadis.

Ciarzóns (a Tumiez: *cialzóns*) - une sorte di gnoes cul pistùn, cuez ta l'aghe e po cuinzâz cu' la sponge e cu' la scuete.

Ciuc' - formadi magri.

Frico - formadi frit te sponge o tal argël.

Calostra - il prin lat des vacis, dopo che àn fedât.

Peta - fuiazze.

Cupita - scudiele di len.

Sfregolis - (di *sfrèolâ*) - une sorte di zuf di farine di sorc e formènt, cuinzât cun lat e sponge, e ridèt a fruzzóns.

Otubar

Al jeve il soreli a oris 6.6 Al tramonte a l'is 17.48 Al diure oris 11.42		Lune gnove il 6 (23.13) Prin quart il 14 (15.28)	Lune plene il 21 (6.15) Ultin quart il 28 (11.57)	I pronostics di Zorùt
☾	1 V	s. Remìgio v.		Sul plui biel dal oselà jès la buere a disturbà; tant e tant di cà o di là chesc' ucci àn di passà.
	2 S	ss. Agnui custodis		
	3 D	s. Dionis - <i>Perdòn Ros.</i>		
☾	4 L	s. Francèsc d'Assisi Fieste Nazional		Par ches an plui no si treme; 'e jè a ciase la vendeme.
	5 M	s. Placit e comp. m.m.		
	6 M	s. Brunòn c. L.G.		
☾	7 J	La Madone dal Rosari		Il soreli va in jet invuluzzât toi nui; si viôt che l'ha il progèt di no doprà linzui.
	8 V	s. Brìgide vèdue		
	9 S	s. Eleuteri e comp.		
☾	10 D	s. Francèsc Bòrgia		Il vin l'è cressût e al è riserciât; il miò l'è calât parcè l'ha bevût. Podès imparà a fàlu calà.
	11 L	s. Firmin		
	12 M	s. Serafin Fieste Nazional		
☾	13 M	s. Edoardo re		'O no fàs par laudami, ma in ué se no eri jo, 'e varès da la zulgne la campagne vût il so.
	14 J	s. Calisto p. m. P.Q.		
	15 V	s. Tarésie v.		
☾	16 S	s. Gial v. ab.		Finalmentri al cognossût che la lune ûl fa a so mât.
	17 D	s. Edvige ved.		
	18 L	s. Luche evangel.		
☾	19 M	s. Pieri d'Alcantare		
	20 M	s. Zuan Cànzio c.		
	21 J	s. Ursule e comp. m. L.P.		
☾	22 V	s. Sever		
	23 S	s. Severin		
	24 D	s. Rafaël Arcagnul La Madone di Gràzie		
☾	25 L	ss. Crisantee Dàrie m.m.		
	26 M	s. Evaristo p. m.		
	27 M	s. Fiorenzo		
☾	28 J	ss. Simòn e Giude U.Q.		
	29 V	s. Narcis		
	30 S	b. Benvignude Boiane di Cividât		
☾	31 D	s. Volfango ab.		

I muarz di San Pieri

Quanche al càpite novembar
Cu' la ploe la buere e il frèt,
Quanche ciantin lis calandris
Sore i pràs di Colorèt,

Quanche il nûl e la fumate
'E si sbassin fin sul luc,
E la none ingrisgnide
'E si tire donge il fue,

Catinute 'e sint un sgrisul
Lune, che i rive fin al cûr:
Ce misèrie, ce mortori
Ta ché ciase, cun chel scûr!

Ta ché ciase 'e si consume
La so biele zoventût,
Tal so cûr al è il mortori
de l'amór che no à gioldût.

Ma di bot il nûl si sfante,
E sul ronc spelât e neri
'E s'impâr inluminade
La glesiute di san Pieri:

Son lis ànimis dai zovins
Che son muarz sui ciamps nemîs,
E che tornin ogni sere
A veglà sore il paîs;

L'è il so ben che la salute
Come quanche in primevere
Tra un sanglòz e une bussade
A vine' ains l'è lât in uere.

Tresesin, 1925.

SPARTACO MURATTI

L'è dibànt!...

Parzè venstu cussì rosse
s' o di sbrìs ti ciàli fìs...
'A no zove a dà d'intindi
quan' che 'l voli al si tradìs.

Fàs pur fente di no viodì...
fàs pur fente di s'ciampà...
L'è dibànt!... L'amór, bambine,
al pritint di paronà.

TITE DI SANDRI

Novembar

Al jeve il sorell a oris 6,48 Al tramonte a lis 16,53 Al dure oris 10,5		Lune gnove il 5 (15.34) Prin quart il 13 (0.2)	Lune plene il 19 (17.21) Ultin quart il 27 (8.15)	I pronostics di Zorùt	
✠	1	L	<i>Duc' i Sanz</i>	Sin a Ognissant e se no jé za stade, staisi a spietà une buine zulugnade.	
	2	M	Com. dai Muarz		
	3	M	s. Just Patrono di Triest		
	4	J	s. Carlo Bor. arciv. Fieste de Vitòrie (1918)		
	5	V	s. Alegri	L.G.	
	6	S	s. Leonàrt		
	7	D	s. Prosdocim		
	8	L	s. Quatri Coronâz		
	9	M	s. Teodoro m.		
	10	M	s. Andree Avelin		
✠	11	J	s. Martin vescul Natalizi dal Re (1869)	'O cuchi san Martin a la lontane che al ven in cà vistût di mieze lane.	
	12	V	s. Martin pape		
	13	S	s. Didaco c.		P.Q.
	14	D	s. Giosafât v. m.		
	15	L	s. Geltrude verg.		
	16	M	Dedicazion di dutis lis glèsiis da l'arcid. di Udin	Due' i ains tornin a cheste: lis panolis in rieste, i balzui di soreâl, rati, verzis in rivâl, gran bruade, granc' ufiei... cun chest truc 'a si ven viei.	
	17	M	s. Gregori vesc.		
	18	J	Ded. de Basil. di s. Pieri		
	19	V	s. Elisabete ved.		L.P.
	✠	20	S	s. Feliz c.	Plui 'o ciali chest colm, manco lu intint: ma al farà ploe, nêf, serèn o vint.
21		D	La Madone de Salût		
22		L	s. Cecilie v. m.		
23		M	s. Clemènt p. m.		
24		M	s. Grisògono m.		
25		J	s. Catine v. m.		
26		V	s. Silviestri ab.		
27		S	s. Valerian vesc. di A. U.Q.	Jé cà sante Catarine: frêt di sere e di matine.	
28		D	s. Grivôr III pape <i>I di Avènt</i>		
29		L	s. Saturnin		
30	M	s. Andree ap.	Mon-maiôr l'hà fât lissie, l'hà slargiât la bianciarie.		

Frutins al ven Nadàl!

Coragio frutins
no stait a durmì,
che subit la «grande»
'e sune Madìns!
no sintiso duncce
c'al rive Nadàl?
Tal àiar si sint
un sun di ciampanis
e come preieris
lontanis lontanis
puartadis dal vint.

Di fûr al nevee,
l'è un frèt di cricà,
tal cil al somee
che i àgnui si movin;
sintiso frutùz?
'e ciantin di pàs,
'e ciantin d'amór!
E donge di lor
fra i floes da la nêf
compâr une stele,
savêso ce grande,
savêso ce bie!e!
E vè che i pastòrs

si svein, 'a si movin
e come che fossin
menâz pa' la man
s'instradin, ciaminin
lontàn e lontàn...

Atènz po frutùz,
c'al torne Nadàl,
c'al sune Madìns!
in t'une stalute
rumie une vaciute,
al duar un mussùt,
e lì, sul chel stran,
in t'une grepiute
nassût l'è Gesù
parcè che la int
deventi pluì buine,
parcè che la pàs
'e regni in famee...

Vès siun, vò, frutùz,
anìn a durmì!...

La zoce 'e scelopete,
di fur al nevee
e al «sglonge» Madìns!

PIERI SOMEDE DAI MARCS

Pròfugo.

Al tache un organèt, vecio, scridèl,
a sunà fra 'l lancùr e la ligrie
il lemènt di une bolce... e s'ciampât vie
'o soi apene dal miò ciar cis'cèl.

Oh cis'celùt di Udin.... Udin biel!
Il cur dà un bot e cidin mi sglicie
dai voi la perle de malincunie.
Il flât, scossànt, s'ingolfe, cà tal cuel;
e 'l pinsir mi disgote ardint la pene
di ché tradote lunge, senze fin,
che vie, cui sa dulà, che vie nus mene,
vie, ce dolór! tra 'l frèt e tra 'l slavìn.
E dôs ciampanis, l'albe 'e criche apene,
pâr che saludin sunànt matutìn.

Dicembar

Al jeve il soreli a oris 7.29 Al tramonte a lis 16.23 Al durre oris 8.54		Lune gnove il 5 (7.12) Prin quart il 12 (7.48)	Lune Plene il 19 (7.9) Ultin quart il 27 (5.59)	I pronostics di Zorùt
✠	1 M	s. Caudit		Sbrissi sul Mont a cioli il miò gabàn, cussì il pronostic lu farai domàn.
	2 J	s. Cromazi v. di Aquil.		
	3 V	s. Francèsc Savèri c.		
	4 S	s. Bàrbare v. m.		
✠	5 D	s. Sabe ab.	L.G.	
		<i>II di Avènt</i>		
	6 L	s. Nicolò v.		
	7 M	s. Ambròs v. dot.		Sante Lùzie fra pòs dis sarà cà cul s'cialde-pis.
✠	8 M	<i>L'Imacolade Conc.</i>		
	9 J	s. Siro		
	10 V	La Madone di Lorèt		
	11 S	s. Damàs pape		
✠	12 D	s. Valeri ab.	P.Q.	Chest prin quart 'a mi scantine,
		<i>III di Avènt</i>		
	13 L	s. Lùzie v. m.		al scomenze a neveà; sint la nape che busine... e no vé lens di brusà!
	14 M	s. Spiridion v.		
✠	15 M	s. Massim	Timp.	
	16 J	s. Eusebi v. m.		No sai ce pronosticà; 'o no fàs che bazzilà.
	17 V	s. Lazar risussit.	Timp.	
	18 S	s. Desideri	Timp.	
✠	19 D	s. Sabine	L.P.	Cun quatri dèz di mufe jès fur la lune plene; siròc i met la scufe, garbin 'a je sfolmene... indizi di montane dentre ste setemane.
		<i>IV di Avènt</i>		
	20 L	s. Zuan Macinòn		
	21 M	s. Tomàs ap.		
✠	22 M	s. Demètrio		
	23 J	s. Vitòrie		
	24 V	s. Adele - s. Irme v.		
	25 S	<i>Nadàl</i>		
✠	26 D	s. Stiefin prin mart.		Durmit i siams cuièz, che l'an finis in ben; ance l'anade in plen 'a no è stade des piès: an provarin di chès!... Intànt adio, furlàns; il Cil nus lassì sans!
	27 L	s. Zuan ap. e vang.	O.Q.	
	28 M	ss. Nozènz		
	29 M	s. Tomàs vesc. m.		
✠	30 J	s. Anastàsie m.		
	31 V	s. Silviestri pape		

Il timp di balà...

Il timp di balà,
furlàns, al è cà!
si bale pulit,
si ciente, si rît,
si tire e si mole
une volte sole,
co jé zoventût,
co jé la salût...
e po buine sere,
si volte bandiere:
i ains 'e galopin,
lis giambis 'e clopin,
la cere si mude,
il fuc si distude,
si sintin i cai,
e si è plens di mai;
il nâs al è strac,
al brame tabàc,

Cividat, 1892.

al mole la gote,
la schene jé rote;
la voe dal quintin,
la voe dal murbin,
la voe di ciantà,
la voe di balà,
e tanti' altris vois
son ladis pai trois,
e nó, mo, dabòn
sìn lâz a passòn...
Fantatis, fantàz,
faseit pur i maz,
gioldeit la ligrie,
che za 'e s'ciampe vie
ben prest la salût
cu' la zoventût:
e alore, sior sì,
l'è timp di finì.

GUIDÒN SALVADI

(o sei *Guido Podreche*)

Vivi e lassà vivi

Un miò amì, che l'è taiât
a l'antighe, si lagnave
di ché mate stravaganze
dai vistiz d'ogni colôr.
« Chiste gnove costumanze
— al sberlave — fâs orôr!
« Ròs e vert, turchin e viole
in milante gradazions;
ogni fèmine, ogni fiole
à tre quatri intonazions.
Al è un scandal, 'ne svergenze,
e se dipindès di mè,
i farès calà la sonze
cun t'un cuargnul, silafè! ».
« Ciar amì no sta ciapàle
cun ché foghe — i rispuindei —
cu' la fèmine a spontàle
al è simpri un ingredei:
sta contènt fin che no tachin
ance a fànt d'ogni colôr!

FONSO DEPERIS

IL CIALZUMÌT

Ciant a tre vòs

DAL MESTRI

Pre TITE CIANDÒT

mf

tenori

Bassi


L'è cà l'è cà l'è cà l'è cà l'è cà l'è cà l'è

L'è cà l'è cà l'è cà l'è cà l'è cà l'è

chel pùar om chel pùar om c'al

cà chel pùar om chel pùar om


cà chel pùar om chel pùar om



lait ce robe cia-lait cialait cia-lait ce ro -
 lait ce robe
 cialait cia-lait cialait cia-lait ce - ro -

be cia-lait ce robe cia-lait ce robe cia
 cia lait ce robe cia
 be cialait cialait cialait cia-lait cialait cia lait cialait cialait cialait cia

lait cialait cialait ce ro - be
 lait cialait cialait ce ro - be cialait cia
 lait cialait cialait ce ro - - - be cialait cialait cialait cia



Il mestri pre Tite Ciandòt a è nassût a Codroip il I. di avòst dal 1809 e al è muart a Cividât, dulà c' al à passade dute la so vite, l'11 di avril dal 1876; i soi ues, insieme cun chei dal so grant scuelâr Jacum Tomadin, e' riposin, dal 1921, te cripte de Basiliche.

Ne lis 519 ôparis di Ciandòt, quasi dutis di glèsie, si ciate spès, tra rie e rie, une vene che sa di nostràn e che mostre l'indule bonàrie e dute furlane dal bon e brâf predi. Il scherzèt a tre vòs che al pùbliche chest an il « Strolc » al è, forsit, l'ùniche mùsiche che Ciandòt al vebi scrite cun peraulis furlanis.

Lis ànimis dal Purgatori

— storiële di contà sot la nape —

Pre Usebi, capelàn di Varignà,
al jere un predessùt sot i sessante,
sec incandî, plui sut di un bacalà
e un freghenin spaletè;
cui ciavei sgardufâz, cun doi voglûz
neris tan' che doi pômui di gusele
cul nâs fat a rimpin
e une sbèssule tant spropositade,
che pareve, vidude di lontàn,
une ponte di dâlmîne fruiade:
biliôs, scontrôs, testàrt e tarocòn;
ma, in fons in fons, un predi onèst e bon.

Senze jessi bigòt,
i tignive ai dovès de so mission:
messis, prèdicis, gèspui e novenis
a timp e luc, rosaris,
rogazions, otavaris;
e, ogni grande ocasion,
la so brave solene prucission.

Ma il so debul — claminlu pur cussì —
fin dal timp c'al studiave in siminari,
'e jere une tal qual predilezion
pes ànimis purgànz.
Sei fieste o di di vore,
qualunque sant c'al fos scrit sul lunari,
ogni sere, in canòniche,
no doveve mancià, par lor sufràgio,
la so part di rosari.

Come ogni capelàn che si rispieti,
pre Usebi al so servizi
al veve une vedrane, done Mènie,
une trèpule grise, une panzone,
petègule, sustose, sbrundulone,
brave coghe, dal rest, brave messàrie,
un pôc tirade, ma che, apònt par chest,
'e saveve tignì
simpri furnit il canevin dal predi
e plene la panàrie.

Oh mo, vès di savé
che in ciase di pre Usebi
un biel di 'e capità une pùare frute,
che veve non Ghitute,
vaint e sanglozzànt,

strache, plene di fan,
cun t' un fagòt in man;
e che, apene rivade
come une disperade,
di plomp si butà al cuel di done Mènie,
che restà lì inguside
parzè che no capive
di dulà che i vignive
ché biele improvisade.

La ciosse 'e lè cussì:
Ghite, restade uarfine e bessole,
bandonade di duc',
no savint zemùt fà a campà la vite,
si ricuardà de agne,
'e lassà il so paisùt
c' al jere un mont lontàn di Varignà:
e, come c' o us ài dit 'e capità
mieze muarte di fan
a cressi la famee dal capelàn.

Par fàle curte, Ghite e restà in ciase
di pre Uscbi, che un pòc al sbrundulà,
ma po, l' ere di erodi, al si adatà:
anzit, a pòc a pòc,
al scomenzà a olèi ben a di ché frute;
e, senze nissùn merit,
al diventà il « sior barbe » di Ghitute.

Ghite 'e cressè in canòniche
e si fasè fantate.

Di bon temperamènt, sane, fuartate,
sfadlione, di ciàf, legre, cuiete;
e, a di dai zovenòz, ance bilite:
eco une idee di ce che jere Ghite.
E se olès, po, savé lis sôs mansions,
eco cà, in dôs peraulis:
dà une man, che s' intint, a done Mènie
tes fazzendis di ciase;
scovà il bearz, tignì cont dal purcèt;
dài un voli ogni tant al pulinàr,
e dà il clostri al portèl sul fà di gnot.

Vès ance di savé
che il muini dal país al veve un fi.
Vignùt al mont un fregul in ritàrt,
chel biàt om, contentòn tan' che une pasche,
tal so cur di bonàt lu ritignì
come un ver don di Dio,
e, par ricognossinze,

lu batià cul noa di Graziadio.

Cressût fra ciase e glésie
al jere vignût sù senze maliziis :
al judave so pari
tes fazzendis de so sacre mission :
scovà la glésie, netà jù il pulvin
dai bancs, dal pulpit, dai confessionaris,
furnì i altàrs, judà a fà campanòn ;
e proviodi, ogni sàbide,
la blanciarie lavade,
il vin blanc pes impolis,
e il ueli pai lumìns dai lampadaris.

Par chese' ultins servizis
i tociave, s'intint, di là in canòniche ;
e no us dîs cun ce gust, cun ce premure
c'al coreve e fà in pont il so dovê.

Chel che, naturalmentri, al sucedè
ognùn al pò capì :
metèt un braz di stran daprûf dal fue,
e po saveimi a di.

Ma done Mènie 'e steve cui voi viarz :
no lassave chei doi
nance un momènt bessoi ;
ur stave simpri intòr come un giandarme ;
'e faseve i voglâz, 'e sbrundulave ;
e no si cuietave
fin che chel pùar biât nol fòs lât vie.

Ma une dì, manezànt la blanciarie,
senze che done Mènie s'inacuarzi,
sior sì, mo, che sbrissà une letarute.
Di scuindòn, mieze mate di ligrie,
in presse in presse la leiè Ghitute.

« Cara Ghituta doro, in questo folio
« ti dico l'amor mio, che sono stufo
« di non poter mai dirti una perola,
« per quella malandreta di tua zia.
« Ma questa sera, ad ogni costo, volio
« vignir per stare un poco in compagnia,
« quando sarò sicuro che sei sola.
« Tu lascia aperto il chiostro del portello,
« lascia il balcone in sfesa :
« io vignirò quando la luna è a monte ;
« e per poter rivare
« metarò la scaluta del toblato ;
« e cussì podaremo ciacare
« senza paura, un poco in libertà.

« Cara Ghituta, a rivederei, adio.

« Sono il tuo caro amante Graziadio ».

È in ché sere al restà viart il portèl
e, pardiane, 'e lè in vore la s'cialute,

Par disdete, la s'ciale no rivave;
e Graziadio al seugnì, voe o no voe,
par tant c'al lès in sù,
mangià la so porziòn di ciar di cuèl.

Par un pôc il zughèt al lè d'inciànt:

ma, une biele matine,

pre Usebi, apene c'al vedè la « gnezze »

— Sint po, Ghitute — i dis — usgnòt passade,

mi à parût di sintiti a talpetà,

ze vèvistu? — Ah, sior barbe, s'al savès!

No ào vidût in sium

lis ànimis purgànz?

Mi soi dismote dute spasemade;

e, quasi senze flât, soi dismontade

par podé diur « rèquie » in zenoglòn —

— Brave, tu às fat benòn.

E.... and àstu cognossude qualchedune? —

— Ma...., mi pareve.... la comari vece. —

— Ché lengonate: e pø? — L'oseladór

dal cent Pio, di' perdoni — Ah, chel ciochele! —

— Il capelàn di Gravis — Uh, dabòn!?

Pardie, anca lui la so brustoladine! —

Al stè sore pensir: po, sèrio sèrio:

— Chest al devi essi un segno —.

Sù, sù, disin rosari! — E lì, in cusine,

il predi in bote al tache:

« Deus in adiutorium meum intende »;

e subite lis fèminis daür:

« Dòmine, adagioando mefistine ».

Ma il diaul, s'al fàs la cite,

si dismentee di fài la covertòrie.

Staimi dunce a sinti

cemût che lè a finì.

Sì, va ben ciacará

e ciscicàsi peraulutis dolzis;

ma, anîn, sin juse', al è un pôc.... masse pôc!

e l'amór, c'al è uarp e che nol bade

es consequenzis des sôs canafadis,

al metè in cur di chei doi pùars frutàz

une gran voe di dàsi une bussade.

Ma cemût fà, cun ché s'cialute curte?

Pensài sù nol ocòr;

lassàigi fà a l'amór!

A fuarze di slungiàsi,
Graziadio al rive ad ore di brincàsi
te piere dal solàr;
ma, tal daspà cui pîs par rimpinàsi,
al dà un sburtòn e s'ciale,
che drindùle, si sbande,
e va a colà di plomp sunt t'une pòdine
poiade cuintri il mur.

A sintì chel sussùr,
si spalanche il balcòn di done Mènie,
si spalanche il balcòn dal capelàn,
che, lì, tra lûs e secur,
e uàlmin lis dôs giambis che daspavin.

Restât piciât cussì, come un salàm,
il pùar diaul al met dute la so fuarze
par rivà ad ore di tiràsi sù;
cul cur che i va a volòp, Ghite lu jude,
lu tire pe gabane,
fin che, a fuarze di strùssiis,
dut spasemât, al jentre drenti in ciàmare.

Nol è nance jentrât che, patapùn!
si spalanche la puarte;
e comparissin, done Mènie in còtule,
cun t'un fazzoletòn atòr il cuel,
e un feralùt in man;
e pre Usebì in mudandis e in zavatis
e cu' la tònne imbotonade a miez,
tignint in man un mocul di ciandele
ch'al spergotave cere a piês podé;
e ti ciatin chei doi mal implantâz,
che ierin plui di là che nò di cà.
Ghitute, scrufuïde in t'un ciantòn,
si scuindeve la muse cun t'un braz;
lui, poiât cuintri il mur, impicotît,
cul ciâf bàs e cui braz a pendolòn:
un quadrùt, c'o us dis jo, di piturà!

Done Mènie 'e pareve une bilite.
Plèade sun Ghitute,
'e dà fur, mastiànt miezis peraulis:
— Ah, brute vergonzose,
sozzate, pòc di bon,
chestis 'e son lis ànimis purgànz? —
(mostrangi Graziadio),
e tal daspà cui braz,
'e spacave il feràl come un turibul:

po la ciape pal zuf, la drezze in pîs.
e scomenze, rabiose, a patafàle.

Pre Usebi fur di sè,
che i tremave di bile fin la sbèssule,
voltât cuintri il fantât:

— Ca.... ca.... ca.... carognate che tu sês,
disonorà cussì une pùare frute!

Canæ, furfant, galiot, boe, piês di lari,
si viodarìn domàn cun to sior pari! —

Po, spergotant la tònìe,
lu ciape par un braz,
i da une sacodade,

rugnànt: — Mars fur di cà, rem di galere!
e i slunge, invelegnât une pidade.

(Dut chest al suzzedeve a mieze vòs
par no dismovi chei che stevin donge).

Graziadio al batè il cian piês che nò in presse;
pre Usebi e done Mènie

tornàrin tes lor ciàmaris;

Ghite 'e tornà tal jet;

e dut si cidinà.

Tal domàn di matine,
apene che sunà l'avemarie,

pre Usebi, imò imbilât,

tan' che une sclopetade al cor in glésie,

al strissine il pùar muini in sacristie;

e i conte il con e il ron di chel afâr.

Podês imaginàsi chel pùar om:

al mancià pòc che no i vignìs imbàst.

Al si metè lis mans

taì ciavei, ciulànt: — Ah, brut infàm!

besteate; a mi, a mi, cumò, a cuinzàti!

quatri uàinis cun t'un bon manèl.... —

— Ce manèl, ce uàinis! Stupidât.... —

al saltà sù pre Usebi:

— Cà si scuèn comedàle. — E in ce maniere? —

— Cul so brâf matrimoni! —

— Ah, benedèt sèal lui, sior capelàn!

E cemût àò di fà? —

— In setemane perecià lis ciartis;

e po, domènie, lis publicazions. —

Insume, par scurtàle,

si faserin lis gnozzis daurmàn.

Done Mènie, judade di Ghitute.

'e metè donge un gustadòn cui floes.

'E forin invidâz:

la mestre dal Comùn,
donna Nunziata, la comari gnove,
(une meridionàl),
Toni mengo copari dal anèl,
l'ustir Bepo sbivice, Agnul dai croz,
conseir comunàl,
Tite uampe, Coletto va-cun-Dio,
e un altri pâr di amîs di Graziadio.

Dopo di vé mangiât a plene panze
e disvuedât il caretèl dal predi,
a timp e luc, secònt la vece usanze,
il muîni, c'al saveve di gramâtiche,
miez in bale, clopânt, al jeve in pîs
e al imbastis il brindis di pramâtiche:

— « Viva i sposi coniugati,
« dona Mènia e il capelano,
(e cà i cimie a Ghitute)
« e a rivederci di qui.... a men di un ano ».

Dut al è ben «chel c'al finis in ben;
e cussì al fo di chel pastiz curiôs.
Contente done Mènie,
contènt il capelàn;

ma plui contènz di due' i doi nuviz
jessûz cun glòrie fur di chel pastiz.

Ma l'afâr dal balcòn, no sai cemût
nol podè stà scuindût:
a pôc a pôc, passânt di boce in boce,
la storiele 'e fasè il zir dal pais;
e al fo un ridi di gust parmiez i amîs
di chel pûar tololò di Graziadio,
che, in memòrie dal fat,
cun stizze mal scuindude di Ghitute,
lu batîarin « Graziadio S'cialute ».

ZANETO DEL PUPPO

Cheste storiele 'e fâs il terno cun chês altris
dôs: «il Judizi universâl» e «Zefût in Paradis»;
e dutis tre insieme 'e fasin la «Divine Comèdie»
di Zaneto. Mi racomandi pal monumènt!

Da la glesiute di san Pieri a Tresesin

Dunce chest l'è il païs che, secònt vó,
— par vie dal comunismo o di altris trucs,
onde nissùn comandì a ciase só, —
plantànt zùs e vergóns tal colm de uere,
'e varessin dovùt lassàlu ai Mucs?

Cialait, cialait, us prei, se Primevere
'e pò ciatà un luc mior par la so fieste!
Cialait chei práz, chei cuei e ché ciadene
di montagnis là insòmp che, cu' la creste
jevade al cël, nus siare tor atòr
e ai Mucs volte la schene!...
Diseimi: ciase nestre, o ciase lor?

Pensait che son passàz su cheste tiare
mïars di ains e ca, dí parì in fi,
an par an, di par di
à vivùt, lavorât simpri une int
leade al sò destin in vite e muart.
À combatùt e vint
pal so jessi, il so stamp e il so lengàz
e par ogni ricuart
c'al fâs che l'om cajù, tal so passàz,
al pensi, l'amì, al speri
e simpri al vebi in cur
la ciase, il fogolâr, l'arie, il ciampùt,
che lu àn viodùt a vignì su di frut;
l'altâr che lu à sposât e il cimiteri
che in te so pâs lu spiete il dì c'al mur.

L'è par chest sentiment che quant sot sere,
— se sint une ciampane
vài la lûs dal dì che si distude —
la int lade lontane,
jevànt une preiere
sospire il lûc dulà che jé nassude.

No provaiso ance vó chest sentiment?
E, alore, ce dirèssiso se al fresc
di chise' boschèz, tal cur di chest païs
inveze di noaltris fòs restât
qualchi Comànt todèsc?
Dirèssiso ancemò che 'o sin duc' fradis,
che in nom de umanitàt,
o dai vuestris partîs,

lor àn dirìt di strassinà i spiróns,
tan' che fossin paróns, pes nestris stradis,
e nó vìn il dovè di tignì viarte
a due' i Mucs dal mont la nestre puarte?

E. NARDINI

Muarz e vís

Passi donge un zimiteri
mi scuviarz e 'o ciali intòr:
dute pàs e dut misteri
e di rosis bon odór.

Fra i profùms de primevere,
cui, cui duàrmial mai culì?
« Son i muarz, i muarz in uere,
che finit àn di patì ».

Tiri vie e fur di un puàrtin
al mi ven un gran fetór:
chei di dentri si contrastin
senze fregul di pudór.

Ma ze razze di maniere,
se zuzzédial mai culì?
« Cà si tratìn dams di uere »,
blestemànt mi sinti a dì.

FONSO DEPERIS

Al è un toc...

Al è un toc che sta a spetàmi
La polzete dal gno cur,
E jo 'o stoi culì a spiàle
Ben platât daùr chist mur.

Vè che bat cul pît, nervose,
La mé frute, sul s'cialìn
Come a dî: Ancimò nol torne!
Là saràl chel moscardìn?

Chiste sere no 'e perdoni
Mi fâs masse bazzilâ
'O i farai le muse dure,
Dut chist timp lu à di paiâ!

Ma co rive apene a olmâmi
Plui no sta dentri ta piel,
Mi cor donge d'imburide,
Mi si bute a brazzecuel!

Gurizze.

FABIO GALIUS

La mos'ce

Al cir sior Dori
in tal scritori
la so barete,
ma, par disdete,
'a no la ciate.
Al à la crepe
dute spelade,
colór raüz,
e semenade
di bruschinüz.
Si sinte a scrivi
dut plen di bile.
Al à une pile
di scartafàz
donge di sè...
Intànt sui veris,
spores, quasi neris,
si sint zun zun,
si sint grun grun:
'e son lis mos'cis
invelegnadis
pes slavinadis
di chestis gnoz,
buinis pai croz.
Dute imburide
e inviperide
une 'e va atòr
di chel pùar sior,

e tic tal nàs
e là che i plàs,
e pun tai voi,
e flac in boce,
po su la coce
va spassizànt
cun dute fleme.
Dori al blesteme,
al si remene,
i braz al smene
e i comedóns.
Doi tre libróns
cui scartafàz
van jù a bot plen
sul calamàr...
Al sberle Dori:
« Aitòri! aitòri! »
Al à l'ingiustri
fin sul cerneli:
oh pùar chel vieli!
Cor la massàrie,
cor la parone:
ché si sganasse,
cheste 'e tontone.
Il batibui
nol finis plui;
e par ché di
e'va cussi.

CARLO ROSSI

L'uvier in Valcelina

Eco l'uvier. La neif prima da l'ora
'a è vignuda chist an. Stant sul paòul
a no se òt pì nua de negre. Sora
dai pràz al pâr prope stindù un linzòul.

E sot la neif e al glaz le béstie i tàs
e i duarm. Al mont al è aromai dut ceit
nessùn pò lavorà, nessùn zì a spàs,
causa al brut timp e causa al massa freit.

Duz i se s'cialda, duz i se avizina
cui zinoe e cu' la schena al fogalàr;
opure i brusa una bela fassina,
o legne sfesse e zocs de chi de far. (1)

L'uvier al è tornà. La neif 'a lùs
quan' che al sorele al trai verso mesdi.
Se le speranze i son zude in patùs,
speràn ch' i torne a nasse un' altra di!

BEPO MALATIE DE VALADE

Barcis, 1925.

(1) far — faiàr.

Istât.

No tire une have
di àiar; 'ne fuee
no nice te cise;
tal prât la pavee
si bute su un fil
di jarbe sutil.

Al plumbe il soreli
dal cîl: in tal ort
'e ciantè la ciale;
il cian duar te cort;
la razze e fâs *pat*
cui ôcs tal rivuat.

Cui see, cui uce,
cui bat il falcèt;
là il fen si ris'cele
e in còl si lu met.
Tai ciamps seselâz,
par semenà i râz

'e tirin la uarzine
lis vacis planchin;
tal cialt e tes mos'cis
ur passe il morbîn;
la vòs di *va stele*
si spant pe taviele.

Ciassà.

Vè, i glons des ciampanis
che sunin miez di;
cul buiaz, in tes sportis,
ur puarte sù, lì,
la vece il gustà;
po clame a mangià

la so int: ta ombrene
van stracs e sudâz,
lassànt duc' la vore
tai ciamps o tai prâz.
Ce fan! ce mangiade,
clucànt te stagnade!

Saltuzzin te jarbe
zupetis e grîs:
ju brinchin les giarlis
po 'e svolin tai nîz:
vè il sbors donge il pît:
vie *fré* imburît.

Cui sono che cighin
tai sterps, là di sot?
Và, ciale... Ce birbos!
Son mui duc' in crot
che saltin tal sflum,
che nadin t' un grum...

PIERI MATION

Parzè che li zisilis, i uzzilùz dal Signôr, 'a tornin di primevere

(Dialèt di Cormóns)

E sù lu menin chei ladròns, tal miez di un trop di popul, che gi spude ta muse, che i mole puins e pidadis. Lui al è bandonât di duc' e rineât di Rieri, e i toce lâ sù pa mont Calvari. E chês canais lu dispoìn e lu metin in cròs, pùer Signôr!

Dut sanganât, al glutigne sanc; ma invezi di maludì, lui al pree. Fûr da corone di spinis i spissule 'l sanc.

— Cialait mo, cialait! — 'a sberlin i Judéos, — nance une fuee no si môf par lui, par dâgi un pôc di suliêf!

Ma 'pene dit, eco che 'l soreli al si tapone, eco che par àiar si sint un sbusinôr come quant che la buere 'a sglove e sbrindine t'un bosc i ramâz, eco svolâ a gruns, a pletòns, a mil a mil li zisilutis.

'A fasin un svol 'tor da cròs e po si poin su chel pùer cuarp e — cia'! cun chê lingutè 'a lechin sù 'l sanc benedèt e cun chês alutis, cun chês pinutis 'a netin el cuarp sant di chei sporchèz, di chel pulvin e, quant che 'l cuarp dal nestri Signôr 'l è doventât blanc e net come un zî, si ciolin sù e vie par ogni bande, vie pal mont. E van par dut, 'a van, cun chel bieût 'a ti scrivin su pai murs cun chel sanc che ti àn ciolt dal cuarp dal Signôr e che par meracul 'a nol si à suiât pa strade, 'a scrivin ta duti li lenghis:

« Par vualtris, umins, avué l'è muart el Salvatôr! ».

E chei ladròns che jerin in chê volte lassù 'a jàn contât che quant che li zisilis a netavin el Signôr, Lui cul ciâf al jà binidît li zisilutis e 'l jà dit:

— Nininis di zisilutis, vualtris sarês simpri i miei uzzilùz e di cumò indenànt cui che us fasarà alc di mal, al fasarà dal mal a mi. Vualtris sarês i miei sarvidôrs e ogni an, quant che torne chiste stagiòn, vualtris sarês li primis a visâ i umins che sta par vignî chê dì che jo soi muart par lor. Vait e che l'om 'a no us fedì dal mal!

E d'in chê dì la zisile 'a ven ogni an a visâ che la primevere, la biele stagiòn, 'a jé par rivâ e che in chist timp e Inestri Signôr al è muart par nô.

Cormóns

Eco: se 'o siari i voi mi pâr di viodi
il miò Cormóns cussì come ch' al ere
ancimò trente o trentezine ains fâ.

La *Mont* e la *Subide*, in primevere,
sflurivin fra i vignai;
mungulànt i nemai
in *Pòvie*, in *Pradis*, in tai *Modolèz*,
taiàvin la cumiere.

La tiare grasse e nere,
vinzude dal lavór e da pazienze,
li vïssaris viarzeve a la semenze.
Regnave da par dut pàs e cuiète,
rotis dome da vòs dal contadin,
dal sdrondenà sui clas d' une carete,
da qualche ucade plene di murbin.
E l' automobil l' ere ancemò un sun
e i tòtui nol rompeve a di nissùn!

Al scomenzà dal an, in carnevâl,
il gran divertimènt al ere il bai!
In teatro li frutis sote i volz -
bielis, che a scielzi l' ere un imbaràz -
cialansi intòr, fasint il voli dolz,
stavin spietànt l' invît dai lor fantàz.
Eco che al tache un valz, zire la fole,
di lune e par travïars si va, si svolè,
ta mieze lûs che mandin jù i ferai....
Altri che smorfiièz: chei jerin bai!

Il prin di di quarésime insunfz
e par miracul stant anciemò in pîs,
si coreve a Brazzàn, là di Murgùt,
a mangià la furtae cul ardilùt.
Al passave l' unviar. Pasche sflurive,
e la seconde di, sù in comitive
a fâ mirinde su la Mont e in presse
a sintì, sì e nò, 'ne mieze messe.
E tal domàn, di tire a san Quarìn
a balà sul breàr, a imboconàsi
di pistùn, di pirsùt, plens di murbin
e a ris'cio, qualche volte, d' inciocàsi.

O Cormonès disemit se a «Madins»
si sune ance cumò la «pastorele»,
se plene di cordòn e di recins
la Madone dal Domo, cussì bieie
à par compains - oltre che il so Bambìn -

sante Mònighe insieme a san Gustin.
Disemit se ancemò tant vultintir
fasès la visitine a qualchi ustir,
se trincais anciemò cun divozion
(che us fei bon pro) 'ne tazze di chel bon;
se ricuardais i timps che là di Crust
corevis a sintì a sunà il «Sestèt»,
(un sunadór, se mi sovèn il just,
al dovarès sei stât miò parint dret!);
se si visais da ueris pa elezions,
da serenadis, sote dai balcóns,
di chel Cormóns un pòc sentimentàl,
che, come dut al mont, cambiât l'è auàl.

Chei jerin timps! Cumò il temperamènt
nol si contente pluì cussì a la buine:
l'è qualchidùn, che, par divertimènt,
l'ha imparât a nasà la cocaïne;
li fèminis son nudis e i fantàz
pòdin cialà, smalfià senza imbaràz!
La clamin mode, i disin stravaganzis;
ma ze ribaltamènt da nestri usanzis,
co lis fantatis lavin di viòle
se nus podevin fà tirà la gole,
quant che cun t'un flurin in ta sachete
si lave a sagre a pît, senza etichete.
Cumò, che diventât soi chist biel mobil,
no mi môf se no monti in automobil.

E i zucs dal dì di ué? Ze diferenze
di chei che fevin nó cun preferenze!
In ché volte, cun qualchi fantazzute,
- mitìn dì - si zuiave di busute.
E jerin po tignûz in gran onór,
giuldint la simpatie e gran favór,
l'arbul da la cucagne, il zuc di peis,
e si contavin grandis maraveis
da partite di bocis guadagnade
da tal fazon cuintre di un'altre armade.
Pa corsis in tal sac o ta cariole,
pal zuc da l'oce duc' lavin di viòle,
pa tòmbole zuiade in compagne,
pal zuc di zite-rote e chel di trie.
E cumò, inveze, l'unic ver paròn
l'è diventât il sport, da situazion.
L'è qualchidùn che al va in motoziclete,
un altri, sforsenât, in dute presse
in automobil si s'ciavazze il cuel

pestànt in qualchi mûr cul ciarugel.
A un tiarz i ven la voe di là in balòn
e sul plui biel al fâs un ribaltòn:
in prâtiche cussì i devente clare
la tèorie d'atràzion da tiare.
Un quart i ciàte gust a fà la lote
e - si capìs - al reste come un pote
distiràt sote il pès dal avversari;
qualchidùn altri al sbarce il calendari
zuiànt di «tenis» da matine a sere,
un tal al voghe, a un altri no i pâr vere
di podé svolètà in aereoplàn
vistût di pèl come un orangutàn.
And è po ance di chei c'àn il matìo
- par sport - di cazzotàsi a biondo Dio,
e la int cor a cialàju in prozession....
Saressin ai miei tìmps lâz in presòn.

Cussì cambiât l'è il mont e ance Cormóns
cambiadis lis usanzis, li opinions;
e l'è par chist mutif che vultintir
o siari i voi e torni cul pinsir
ai tìmps che sen passâz, ai boins amis,
inveciâz come me, diventâz grîs,
e a chei piardûx tal sun che nol à fin,
sote tiare lajù viars san Quarìn.
E al mi càpite un grop tal glutidór;
ma dome che un momènt, che za il lavór
al mi calume e scodolanmì al dîs:
«Sintimi ben: fin che tu stàs in pîs
tu tu sès miò e - sacre da vanzete -
no stàmì piardi timp a fà il poete».

FONSO DEPERIS

Z'ào di fà?

Ze mi zòvie la morose
co non podì morosà?!...
'A son rosis ciarandinis
che si stente di crevâ.

Z'ào di fà?... Ài mior sposàmi
za che 'l diau al fronte i pins....
Nol è piês che sante scugne
quan' che i flors son plens di spins.

TITE DI SANDRI

SAGRIS DI DUT IL FRIUL

(Cun fieste di bal: **b**; tòmbule: **t**; cucagne: **c**; altris divertimènz: **d**)

ZENÀR

1. *Circoncision dal Signòr* — Cose (San Zorz de Richinvelde) (b)
Merèt di Tombe — S. Zorz di Rèsie — Internèp.
6. *Pifanie* — Cividât: in Domo Messe dal Spadòn.
9. *s. Fortun. s. Marcellin* — Sbroievace (Cions) (b),
10. *Il Dom. S. Gino v.* — Cuel III Armale (Sdraüssine) — Uire:
il Non di Gesù — Dole — Vacil (Spilimbèrc): Madone dal
Rosari.
14. *b. Durì - S. Ilari* — Reane (b).
17. *III Dom. - S. Antoni ab.* — Gnespolèt — Mize Mont (Polce-
nigo) (b) — Samardance (Cisèriis) — Vilès — Basandiele —
Foràn (Atimis) — Barbean (Spilimbèrc) — Gradis'ce (Spi-
limbèrc) — Teor — Dignàn — Gardis'ce sul Lusinz — Rigulât
— Tremònz di miez — Porcie — Siele di Claurèt (la domènie
dopo (b)).
20. *S. Bastian* — Dignàn dal Tajament.
21. *s. Agnese* — Joanniz — Trep (Paluzze).
24. *IV Dom. S. Eugenio* — Tumiez,
24. *IV Dom. S. Eugenio* — Tumiez.
— Morteau — Lavarian (Morteau) — Tesis — Rorai.

FEVRÀR

2. *Purificazion di M. V.* — Platis'cis (Montaviarte) — Raspàn —
Cividât: sagre in bore di Puint — a Viscòn pan, vin e fave
di baut, à 't popolazion — Mont Urabis.
3. *s. Blas* — Lauzzane — Lestizze — Istrago (Spilimbèrc) — Mer-
lane (Trivignan) — Sudri — Giais (Avian) — Pozzalis —
Pieris — Scodevace — Alturis (Pertèulis) — Cividât: sagre
in bore di Brossane.
Ciazzâs (Tulmiez) — Mediis (Soclèf) — Maseris — Cividât
— Tiarz di Aquilee.
5. *s. Aghite* — Lauzzà.
9. *s. Polònie* — Liuzzùl — Ciassà — Zuviil (Ravasclèt) — Bar-
bean (Spilimbèrc) — Grapignàn (Cividât): la domènie dopo.
sagre di S. Polònie.

14. *Ultime domènie di carnevâl* — s. *Valantin* — Damâr — Artigne — Somplât (b) — Ciarpâ (Dingàn) — Medùn — Ciadugnee (Tumiez) — Lauzzâne — Basepente — Cercivint — Grimâns — San Maur (Podigoris) — Sante Lùzie (Tulmin) — Segnâ — Avasinis (Trasaghis) — Zòpule — Zui — Barazzèt (Coscàn) — Schluse (b) — Laue (b) — Farle (b) — Ciasielis (Morteàn) — Pozzalis (Feagne) — Domanîns (b) — Val e Rualp (Arte) — Fraforean — Ciassâ — Manzàn — Glemone — Conoglàn (Ciassâ) — Morsàn dal Taiamènt — Ciavâz di Ciargne (b) — Cianvenzàn (Ciaplùnc) — Cividât: sagre in bore di Prachûs — Madone (Buje) — Crede (b) — Montaviarte — S. Quirin (Avian) — Lusèvere — Mascarade a Remanzâs.
16. *Ultin di Carnevâl* — Frisànc — Mascarade di Orsàrie — Rivignàn — Cervivint: sagre di S. Margarite.
17. *I di Crèsime* — Cuel III Armade (Sdràussine). Vât (Udin).
24. s. *Matio* — Slape Zorzi (Vipau).
27. *S. Margarite* — Benedizion dai nemai a Tapojan.

MARZ

7. *I domènie* — Montaviarte.
14. *II domènie* — Quiniis (Enemònz).
16. *ss. Ilari e Tazian* — Gurizze.
19. s. *Iusèf* — Montegnâ — Pradielis — Taipane — Porcie — Caprive — Percût — Palse di Porcie — Blessàn — Ciampròs di — Valcianal — Camigne — Flaibàn — Spesse: sagre sui roncs.
21. *III Domènie* — Vissandòn: Sagre di S. Valantin.
28. *IV domènie* — San Zor di Nojâr — Sagre de fave a Blessàn Strade — Dolegne — Moimàns — Raussèt — Roncis di sine) — Ciauriâ — Perdòn dal fole a Gardis'ce di Sedian.

AVRÌL

4. *Pasche* — Pieris — Glemone — Udin (lotarie) — Ciateòns di Strade — Dolegne — Moimàns — Raussèt — Roncis di Monfalcòn — Strassòlt — Morâr (b) — Poulèt — Migea: fieste sul cuel.
5. *II fieste di Pasche* — Udin (Sante Caterine) (b) — Pavie di Udin — Sante Marie la Lunge (b) — Tarcete — Gravate (Magnàn) — Cuelâlt (Segnâ) (b) — Viscòn — Mosse — Ciampplùnc: sagre a S. Lenàrt — Rualis sagre dal Cârmini (ance tal domàn) — S. Lenàrt — Valnolcèl — Cormòns (sagre sul cuel di S. Quirin).
6. *III fieste di Pasche* — S. Quirin (Cormòns) (b) — Puzzui — Mosse.

7. *Comemorazion dal Càrmini* — Ribis — Bicinins di sot.
11. *Otave di Pasche* — Cumierz (Majan) (b) — Percùe — Civi dât: il Ciapitul al va a Madone di Mont — Tapojan (b. t.) — Ciampeis di Sofumbèrc (Faedis) — Colze (Enemònz) — Lucinìns — Cuel III Armade (Sdràussine) — Casteons des Muris (Bagnàrie) — Internèp: sagre de Cintùrie — Tulmìn — Suiàn (Puzzui) — Moimàns (b) — Perteulis (Tiarz di Aquilee) — Butinìns (b) — Fane (gran fieste al Santuari di Madone di Strade) — Isule Morosine — Scodevace.
18. *III domènie* — Martignà — Moimàns.
23. *S. Zorz - Udin* (la domènie dopo, sagre in bore di Grizzàn) — Cions (b) — Preon — Claut — S. Zorz di Rèsie — S. Zorz de Richinvelde — Sebreie.
25. *Ultime domènie* — S. Marc — Raspàn (Ciassà) — Scodovace (b. t. d.) Vile di Vâr — Bielvedè — San Marc — Gai di Spilimbèrc — sagre dai spares a Trep Grant — Cucane — Jutiz (Codroip) — Pordenòn — Basiliàn (Pasian Sclavonèsc): Sagre sui prâz — Brazzàn (I. dom. dopo S. Zorz) (b) — Cal di Cianâl — Savorgnàn de Tôr: sagre des jarbucis — Strassòlt — Ruvignàn (Cividât) — Mortesins (Perteulis).
30. *s. Catarinè di Siene* — Cuel III Armade (Sdràussine).

MAI

1. *ss. Filip e Iacum* — Rèsie — Pesàriis — Taipane — Riverote.
2. *I domènie* — Vilès: sagre dai blaudins — Roncis (Gurizze) — Rude — Cervignàn: sagre di S. Jaroni — Vilote (Cions) (b) — Ontagnàn — Gonàrs — Romàns: sagre dai pastòrs, clamade ance «sagre di mai» — Flumignàn — Culugne — Pantianis — Grimàns — Scodevace (b) — Marian — Tumiez — Felèt: sagre dai spares — Vilegnove (Lusèvare) — Gian (Cividât) — Sable (Vipau) — Internèp: sagre de glèsie — Basèlie (Spilimbèrc).
3. *Invenzion de S. Crôs* — Pieris — Stele (Cisèriis) — Manzàn.
4. *ss. Gotàrt e Florian* — Sigilèt (Fors Avoltri) — Diez (Tumiez) — Pidimònt dal Calvari — S. Florean (Gurizze) — Raviei — Tramòns di Sore — S. Gotàrt (Udin).
5. *s. Pio v.* — Ciàvazgnûf — Cercivint: s. Gotàrt
6. *La Sense* — S. Valènt — S. Canziàn — Romàns — Zui — Vile Santine — S. Zorz di Rèsie — Ravasclèt — Cividât: la paròchie di bore di Puint 'e va a Madone di Mont — S. Martin di Quische.
9. *II domènie* — Bagnàrie — Vernàs (S. Pieri al Nadisòn) (b) — Paparian (Flumisèl) — Visinâl (b) — Joannis (b) — Mùscui — San Zòrz de Richinvelde: sagre dai spares — Ciamplunc.
11. *s. Gotàrt* — Vile di Montviere.
16. *III domènie* — S. Ubaldo — San Fanùt — Navaròns — San

- Salvadòr (Maiàn) (b) — Fare — Glemone (Ospedalèt) — Medùn dal Livenze — Cimolais — Ciamplùnc de Tòr — Jassic (Brazzàn).
23. *IV domènie* — *Pentecuestis* — Clauzèt (sagre dai spirtàz) — Oseàc (Rèsie) — Prečenins — Ciamplùnc (Bagnàrie) — Zevan (Bagnàrie) — Vileraspe (Staranzàn) (t) — Oltris (Ampez) — Platis'cis (Montaviarte) — Monfalcòn — Vilé Santine — S. Laurinz di Mosse (b) — Mainuzze (Fare dal Lusinz) — Planine (Vipau): sagre di S. Canzian — S. Martin di Quische: s. Cròs — Lauc: tre dis di fieste pal perdòn des 40 oris — Gradis'ciute (Sanzian), ance tal domàn — Postùmie: fieste tes grotis.
24. *II fieste des Pentecuestis* — Pradizzùl (Muscli) — Gradis'ciute (Ranzian).
30. *Ultime dom.* — *SS. Trinitât* — Risàn — S. Martin (Tiarz di Aquilee) — Tarnove dal Luzinz — Mont Urabiz.
31. *s. Canzian* — Risàn — Planine.

JUIN

3. *Corpus Dòmini* — S. Cròs di Aidùssine — Salecàn (b) — Maràn — Paulâr — Tulmin — *A Udin, a Gurisze e, pòc o trop, in dutis lis parochis: pricession del Corpus Dòmini.*
6. *I domènie* — *b. Beltràm* — S. Nicolò (Rude) — Batae (Feagne) — Brazzàn — Cormòns — Grimàns (b) — Lauc — Roncis di Monfalcòn.
10. *S. Margarite* — Montenere d'Idrie: sagre di S. Iodòc.
13. *II domènie* — *S. Antoni* — Pordenòn — Bordàn — Ciastielgnùf — Frisànc (b) — Glemone — Sudri — Migea (b) — Vile Santine — Palazzùl — Reane — Trep di Paluzze — Ciamplùnc: benedizion dai nemai — Visinàl dal Judri — Ucèe di Rèsie — Pitlùnc — Madris di Feagne — Medùn — Ciasotis (Pavie) — Dobre (Bigliane) — Zuviel (Ravasclet) — Implàn (Arte) — Manzàn — Caurèt (b. d.) — Forgiarie — Poz (S. Zorz de Richinvelde) — Stele (Ciseriis) — Planine (Vipau) — Davai (Lauc) (b) — Savorgnàn de Tòr — Migea (b) — Zevan (Bagnàrie) — Planine.
15. *ss. Filis e Fertunât* — Ternove dal Lusinz.
19. *ss. Gervàs e Protàs* — Savalòns.
20. *III domènie* — Caprive — S. Antoni (Flumisèl) — San Vit dal Taiamènt (b. t.) — Migea (b) — Porcie — Arte — Pier s — Manzàn — Alès — Vile Vicentine — Privàn (Bagnàrie) — Voisizze di Comèn: S. Vit — Tresesin — Blessàn — *Udin*: S. Antoni al Càrmini — Dobre (Biliane) — Bilie — Cernizze Gurizzan — S. Vit (Vipau) — Beivàrs (*Udin*) — Oblizze (Stregne) — Arbe (b) — Cornin (Forgiarie) — Platis'cis — S. Vit (Vipau).

24. *s. Zuan* — Sebrèie — S. Zuan di Ciasarse — S. Zuan dal Templi (Saci) — Porpèt — Savogne dal Lusinz (la dom. dopo) (b).
20. *s. Gulièlmo* — Dael (t. b.).
26. *s. Zuan e Pauli* — Sagre dai scussòns a S. Pieri dal Luzinz — S. Zuan di Polcenigo — Lovàrie.
27. *IV domènie* — Barcis (b. t.) — Ciassà — Cormòns: sagre di S. Zuan — Duin — Latisane — Musi (Lusèvare) — Porpèt — San Zuan di Manzàn — Tarcete — Vivàr — Ciasarse — S. Zuan (Polcenigo) (b) — S. Zuan (Prate di Pordenòn): sagre des ciariesis e dai èmui (giostre, corsis, b. c. d.) — Vivàr: sagre di S. Zuan — Udin: s. Luigi a s. Qurin — Plattis'ois — Prepòt — Quische — Sagràt (fieste de redenzion) — Stregne — Tulmin — Frassinèt (Fors Avoltri) — Soclèf — Riz di Udin — Ciampei di Sofumbèrc (Faedis) — Coline (Fors Avoltri) — Butinins (Moimàns) — Moràr — Polcenigo — Lovàrie — Frate — S. Vît di Feagne — Prestint — Aièl (b. t.) — Arte — Ciasarse — Volzane — Pocenie — Trave (Lauc).
29. *ss. Pieri e Pauli* — Bicinins — Cordenòns (b. d.) — Maiàn (b) — S. Pieri al Nadisòn (b. t.) — S. Pieri d'Isùnz — Tarcint (b. t.) — Travès — Valvasòn (d) — Visc — Dolegnàn (b) — Vilegnove (Fare dal Luzinz — Dobràulis (S. Cròs di Aidussine) — Culugne — *Gurizze* — Romàns di Vâr (sagre dai giambars) — Magredis — Locovizze di Cianàl — Malisane — Ossevhe (Vituje) — Tarvis — Planine — Sacolant — Ciavazgnûf — Ruvigne — Giavòns — Staranzàn — Verzegnis — Fusee (Tulmiez) — Ampiez (d) — Ciaplùnc — Rosazzis (Manzàn) — Zupice (Codroip) — Tiarz di Aquilee (b) — Vile Santine — Zuvièl (Ravasclèt): sagre del cidulis (b) — Gnive di Rèsie — Gabrovizze — Vilegnove (Fare dal Lusinz) — Sacilèt (Pertèulis) — Gargàr — Termenizze.

LUI

2. *Visitazion di M. V.* — Liuzzùl.
4. *I domènie* — S. Uldari — Cussignà (Udin) — Gozze (Vipau) — Ciascèl di Rienbèrc — Plez — Vilegnove (Valnòncèl) — Maròn di Brugnere — Sudri — Caprive — S. Valantin di Flumisèl (b. t.) — Grau (prucission a Barbane) — Lusèvare — Muzzane (b) — Osòf — Romàns dal Luzinz (b. t.) — Salt — Frate — S. Zorz di Sacil — Cjopris: sagre dai èmui (b. d.) — Flambrùz (Rivignàn.)
11. *II domènie* — Viscòn (Cjopris): sagre dai dromedaris (b. t.) — Dignàn — Sacil: S. Liberàl (d) — Azzàn di Iplis — Prate di Perdenòn (corsis, b. d.).
12. *ss. Ermàcore e Fort.* — S. Stiefin (Buje) (ance tal domàn) —

- Iplis (b) — Darte — Soles'cian — Savogne (b) — Trep di Paluzze — *Udin* — Aquilee — Morsàn — enemònz — Roverèt di Var: sagre dai èmui — S. Florian — Corone (Marian) — Sesàriis — Oseac di Rèsie — Ravasclèt: sagre del cidulis (b) — Palme — Rusclèt (Comelians) — Lucinins — Vissandòn (sagre dai èmui) — Poulèt — Savorgnàn de Tòr — Sagràt — Vile Visintine — Fòrs Avoltri — Sorzint (S. Pieri al Nadisòn) (b) — S. Zorz di Rèsie — Dedeà — Raspàn — Ranzian (ance la domènie dopo) — Prossenic (Platis'cis).
13. *Dedic, de Basiliche di Aquil.* — S. Stiefin (Buje) — Scrite sagre di S. Mariute) — Dolegne (sagre di S. Margarite).
16. *B. V. dal Càrmini* — Blàuz (Codroip) — Cordovàt — Ravasclèt — Vendoi — Bicinins di sot.
18. *III domènie* — Redentòr — Visinàl di Pordenòn — Tapoian (b) — Flanigne — Palse di Porcie — Sezze (Zui) — Basandiele (b) — Cervignàn (b. t.) — Felèt — Grimàns — Varian — a Re manzàs sagre dai giambars (b) — Polcenigo (b) — Sagràt — Precinins — Rìvis d'Arcian (merinde dai giambars) — Arzene (b. d.) — S. Laurinz di Sedean — Tramònz di sore — *Udin*: sagre al Redentòr — Buje — Ciasarse — Beàn — Moràr — Masaruelis — Driulazze — *Udin*: procession al Càrmini — Ranzian: sagre dai sanz Ermàcore e Fortun. che dure dos zornadis — Alès (Trasaghis).
21. *s. Prassede* — Ruele — Montdispin: S. Denél.
22. *s. Marie Madalene* — Zòpule (te domènie dopo) — Dole
25. *Ultime domènie* — S. Jacum — Visinàl — Ciassà — Maràn — Morùz — Carnizze (Rèsie) — Paluzze — Polcenigo — Slape — Dol Grant — Valbrune — Dael — Vacil (Spilimbère) — Piume — Vile Santine (b) — Subit (Atimis) — Paluzze — Ciampivùl (Ravasclèt): sagre des cidulis (b) — Geri (Paulàr) — Formeàs (Zui) — Prossenia — Susàns (Maiàn) — Spilimbère (b. d.) — Manzignel — Platis'cis — Rivòlt — Medùn dal Livenze — Montenars — Moràr — Jalmi — Dael (b) — Faedis — Craui — Sante Lùzie di Tulmin — Cuar di Rosazzis (sagre dal gial) (b) — Ciavàz — Flum — S. Jacum di Ruvigne — Ariis — Rivòlt — Savorgnàn (S. V. t al Taiaimènt) — Brugnere — Pesàriis — Torreàn di Cividat — S. Martin dal Taiaimènt (b) (t) — Felèt: Madone dal Càrmini — Ciamplungùt (Bagnàrit) — Praturlòn (Flum) — Rigulât — *Udin*: Perdòn de Cintrie al Redentòr — S. Marizze di Vâr — Vacil (Spilimbère).
31. *s. Ignazi* — Tiarz (Aquilee): benedizion dai nemai.

AVÒST

1. *I Domènie* — S. Pieri «ad Vinc» — Brazzàn (b) — Pertèulis — Frisànc — Sagre dai polèz a Trep Grant — S. Laurinz (Man-

- zàn) — Resiute — S. Cròs di Aidùssine — Gradis'ce di Sedean — Sauris — Clèulis — Colorèt di Mont Albàn — Buri (sagre dai polèz) — Lavarian — Pagnà — Rodeàn bàs e alt — Ariis — Castoe — Visc — Belian — Toian — Ovâr.
2. *s. Alfonso* — Belgràt di Vile di Var: Perdòn di S. Francèsc — S. Cròs di Aidùssine (sagre te glèsie dai capucins).
5. *Madone de nêf* — Auzze — Sauris: S. Sualt,
8. *II domènie* — *Gurizze* (fieste de redenzion) — Coseanùt (Coseàn) — Dogne — Forgiàrie — Cuel S. Valantin — Vile Santine — Roncis di Monfalcòn — Maiàs (Enemònz) — Palazzùl — Riu (Paluzze) — Sauris di Sore — Iplis — Auràve (S. Zorz di Spilimbèrc) — Stulvizze (Rèsie) — Flaibàn — Pradamàn (b) — Roncis di Monfalcòn — Noiarèt di S. Vit — Ciavolàn (Sacil) — Vilès — Palazzùl (b) — Fors di sòt — Plasencis — Rorai Grant — Preòn — Vernassin (S. Pieri al Nadisòn) (b) — Lungis — Ersèl in Mont — Grions.
10. *s. Laurinz* — S. Laurinz (Arzene) — S. Laurinz di Sedean — S. Laurinz di Mosse (b) — S. Laurinz di Flumisèl — Sacil: merciàt e sagre dai ucei — S. Laurinz (Manzàn) — Fors Avoltri — Vacil (Spilimbèrc) — Ersèl in Mont.
11. *s. Rodegonde* — Madris di Vile di Vâr: «bale la pantiane, a sunc la suris».
13. *s. Cassian* — S. Cassian (Brugnere).
15. *III domènie* — *Assunzion di M. V.* — Pontebe — Cercivint — Cimolais — Ciaurià — Vilegnove (Lusèvere) — Monreàl — Celine (b. c. d.) — Baspente — Pinzàn (b) — Vertuin — Cianàl dal Tsònz — Medane (la dom. dopo. b) — Cisterne — (Coseàn) — Drence — Torse — Brazzàn (t) (b) — Porcie — Reane — Rèsie — Sest al Règene (b) — *Udin* (Madone di C. Nzie) — Tauriàn (Spilimbèrc) — Cicunins — Fors di sare — Migea — Romàns — Silvele — Tramònt di sòt — Vile Santine (b) — Vivâr — Viscòn — Cisèriis — Prate di Pordenòn: sagre de glèsie — Platis'cis — Ovâr — Tulmin — Fielis (Zui) — Ciarlins (b. c.) — Lauc (b) — San Lenàrt — Viarse — Ciampùnuc — Tombe — San Vit dal Taiamènt — Ceresèt (Morùz) — Voltois (Ampiez) — Glemone — Cercivint — Poz (Codroip) — Polcenigo (b) — Paluzze — Ciavàz di Ciargne (b) — Sudri — Medane (b) — Turiàc — Dolegne (b) — Fare (b) — Maiàn (b) — Morsàn dal Taiamènt — Bris'cis (Ruede) — Ciampmuel — Pravisdomini (ogni cinc ains: nel 1914 -29-34. ecc.) — Cesclàns (b).
16. *s. Roc* — *Udin* (ciasai di s. Roc) — Sable Grande (Vipau): S. Roc — Salcàn: s. Roc — Ciampùnuc.
17. *s. Milie* — Fare dal Lusinz (ance tal domàn).
21. *s. Donât* — Cividât: fieste dal Patrono cun procession.
22. *IV domènie* — *S. Timòteo* — Fare (b) — Anduins — Ciavenzàn — Risàn — Poulèt — Romàns (c) — Roverèt (b) — S. Zorz di Noiâr (b. t. c. d.) — San Vit de Tor — sagre des anguris a Segnà — Masaruelis — Gradis'ce di Spilimbèrc —

- Tavagnà — Basandiele — Oleis — Montenars — Azzide (S. Pieri dal Nadisòn) (b) — S. Laurinz di Sedean — Mont di Crôs (Atinais) — Silvele (S. Vit di Feagne) — Basilian (Pasian Slav.) — Ponteà (S. Pieri al Nadisòn) — Ruvigne — a Marizze di Vile di Vâr sagre dal cuful — Gòdie: s. Antoni.
24. *s. Bortul* — Corve (Azzàn) — Ert e Càs — Spilimbèrc — Schluse (b) — Peonis (Trasaghis) — Orgnàn: sagre dai ciuncui — Ciavazgnûf.
25. *s. Vico re* — Cions.
27. Fieste di bal a Robis (Crede).
28. *Decol, di s. Zuan B.* — San Vit dal Taiamènt,
29. *Ultine domènie* — Basandiele — Romàns dal Luzinz: sagre d'avòst (b) — S. Duri (Flaibàn) — Ruvignàn (Cividât): sagre de angùrie sui prâz di s. Eline — Tresesin: sagre di S. Filumene (b. t. d.) — Zuviel (Ravasclèt).

SETEMBAR

1. *s. Egidi Abât* — Bielezòe.
3. *s. Eufèmie* — Basandiele — Ciasis (Manzàn).
5. *I domènie* — Vinai (Lauc) — Prepòt — Tiez (Azzàn) — Coseàn — Gonàrs — San Duri — Feagne — Polcenigo: sagre dai zeis — Tarcete — Fors di sèt — S. Pieri sul Lusinz — Preuariàs — Ciassà — Puzzi — Ciavazgnûf — Vile Visentine — Ciampròs di Valcianâl — Seodevace: S. Egidi — Dol Otelze (b. c. corsis) — Cividât: il ciapitul al vâ a Madone di Mont — Bielezoe — Postumie: fieste tes grotis — Lavarian: s. Antoni — Internèp (sagre de glèsie di S. Simeon sul mont)
8. *Nativitât di M. V.* — Morâr — Udin (Madone di Gràzie) — De deà — Madone di Rose (S. Vit dal Taiamènt) — S. Martin dal Taiamènt — Pontebe — Manià — Nimis: Madone de Planelle (b) — Raviei (b) — Teor — Istrât (Spilimbèrc) — Vialte — Merne — Trave (Lauc) — a Bertiùl: sagre de Madone des Scarenzis (t. d.) — Lestàn — Tesis — Vile Visentine — Mont Corone (Salcàn) — Pordenòn: Madone di Gràzie — Paradis.
12. *II domènie* — Ciasarse — Muris — Avian (b) — Atimis — Cions (b) — Guriciz (Codroip) — Trivignàn (b. t. d.) — Cinnâl: sagre al Santuari di «Marie Zell» — Ciampfuarmit.
14. *Esaltazion de S. Crôs* — Sante Crôs di Aidüssine.
15. *s. Nicomede* — Sagre de ribuele a Foiàn — Cose (San Zorz de Richinvelde) — Gradiš'ce (Spilimbèrc).
19. *III domènie* — Maiàs (Enemònz) — Venzòn — Ravasclèt — Riu (Paluzze) — Trep (Paluzze) — Ciampfuarmit — Dilignidis — Passòns — Pieris — Ciopris — S. Andrât (Cuar di Rosazzis) — (b) — Fontanefrede — Frisànc — Fauis (Gonàrs) — Merèt di

- Tombe — Morteàn — Ruvigne — Pasian di Prât — Talmassons — Padiâr — *Udin*: procession a Madone di Gràzie — Cose (S. Zorz de Richinvelde) — Ciasarse: sagre di S. Cròs — Riverote (Pasian di Pord.): sagre dal vin gnûf — Perteulis — Pravisdòmini (b) (d) — Gradis'ciute di Vile di Vâr: Madone dai 7 dolòrs.
26. *Ultime domènie* — Braulins — Flum — sagre dai ucei a Felèt — Paulâr — Pertèulis — sagre des razzis a Staranzàn — Gardis'ce — Lestans (b. t.) — Feltròn — Caprive — Feletis — Roncis — Valnoncèl — Riz di Udin — Visinàl di Buri — Spilimbèrc: sagre da l'Ancone — Ersèl in Mont — sagre de vendeme in Aquelee — Vilegnove (Prate di Pordenòn): sagre dai ucei (b) — Joànis, sagre dai giambars (b) — Buèriis (Magnàn) — Marian — sagre dai cuàrgnui a Fressis (Enemònz) — Ciateòns di Strade — Iplis — Cividât.
29. *s. Michèl A.* — Piume — Fagnigule (Azzàn) — Arzene (b d) — Plazzàrìis (Montenàrs) — Savorgnàn de Tor — Segnà — Formeàs (Zui) — Coline (Fors Avoltri) — Sclaunì (Lestizze) — Merèt di Tombe — Schluse — Domanins — Montmaiôr (Platis'cis — Camigne — Tarvis — Vendoi.

OTUBAR

1. *s. Remìgio* — Cordenòns — Ciavazgnûf.
2. *ss. Agnui Custodis* — Manzàn — Montaviarte.
3. *I domènie* — *Rosari* — Riu (Paluzze) — Lauc — Ciampfuarmit — Varian — Cuel III Armade (Sdraüssine) — Tramònz di sot — Travès — Ciazzás (Tulmièz) — Fors di sot — Cervignàn — Mels — Pagnà (b. t. d.) — Ciamin di Codroip — Culturis (Polcenigo) (b) — Flambri — Gigliane (sagre di S. Michèl) — Pasian di Pordenòn — Locovizze (Cianàl) — Mels — Paulâr — Pagnà (b. t. l.) — Ciamin di Codroip — Culturis (Polcenigo) (b) — Ravose — Verzeguis — Vit d'Asi — Ciarlins — Nontè (Soclf) — Paulèt — Ciateòns di Strade — Cisèriis — Dogne — Precenins — Mtrian — Colorèt di Prât — Pradamàn — Scodevace — Ciavali — Arte — Raspàn — Clauzèt — Tor di Pordenòn — Arbe — Ciamin — Ciopris — Cordovât — San Zorz di Richinvelde — Frisànc — Lauzzà (Pavie) — Ruvigne — Poz (Codroip) — Ovalèt (Zòpule): sagre di San Michèl — Pocenie — Pinzàn — S. Zuan di Manzàn (b) — Cussignà — Lauc — Trep (Paluzze) — Fors Avoltri — Zuviet (Ravasclèt) — Montaviarte (Platis'cis.
10. *II domènie* — S. Zorz de Richinvelde — Magnàn — Manzàn — Palme (t) — Vileuarbe: sagre des masanetis — Berbeàn (Spilimbèrc) — S. Quirin di Avian — Arzene (b. d.) — Gris — Bonvic — Dignàn) — Lucinins — Grions — Rorai Grant — Cisèriis — Sedeàn — Cimpèl (Flum) — Iplis — Dobre: sagre dal licòf — Pliscuizze di Madone — Vilute (Cions) (b) — Bicinins: sagre de glèsie — Montaviarte.

14. *s. Calisto* — Tarvis: Madone dal Rosari — Sivian (Rivignàn):
sagre de pignate.
17. *III domènie* — Quische (b) — Provesàn — Pulfar — Tribil di
sore (Stregne) (b) — Ciamin di Buri (b) — Rizzùl — San An-
dràt — Trep Grant — Lonerià (Segnà) — Vile di Var — Branc
— San Vit di Feagne — Banie (Flum) — Osòf — Pieris (sagre
dal vin gnûf) — San Guarz (Cividât) — Bresse (Ciampfuarmit)
— Flambrüz — Felèt: s. Vicènz — Ciaurèt (b) (t).
24. *IV domènie* — Flaibàn — San Quirin di Avian — a Colorèt di
Sufumbèrc (Faedis) sagre des ciastinis — Feagne — Bilirs
(Magnàn) — Silvele — Medùn — Valnoncèl — Rèsie — Salt
— S. Zuan di Manzàn (b) — Sante Lúzie (*Gurizze*) — Prate di
sire (Porderòn) (b) — Rivignàn — Ghiràn (Prate di Podenòn)
(b) — Buje — Osòf — Vissandòn: Perdòn dal Rosari — Pers
(Maian) — Gris.
30. *b. Benvignude* — Cividât: fieste de b. Benvignude Bojane te
glèsie di s. Pieri.

NOVEMBAR

2. *I muarz* — Rivignàn — Pidimònt dal Calvâri — Flum.
4. *Fieste de Vitòrie* — S. Carlo — Daël (b) — Cisèriis — fieste
de Vitòrie a Fors di sore — Comemorazion dai muars in vuere
a Aquilee — Damàr — Feletis — Stulvizze (Rèsie) — Ravascièt
— Belgrât (Vile di Var).
6. *s. Lenàrt* — San Lenàrt — Provesàn — Cuelàlt, (segnà) —
Volzane.
7. *I domènie* — Dogne — Varian.
9. *s. Teodoro* — Ranzàn.
10. *s. Andree Avel.* — Gris: sagre de glèsie.
11. *s. Martin* — Cividât (b. casotos, giòstris e a. d.) — Tapoian —
Val e Rualp (Darte) — Cercivint — Roncis di Monfalcòn —
Fane — Latisane (b) — S. Martin dal Taiamènt (b) — Internèp
(Bordàn) — Resiute — Basandiele — Ciarpà — Prosenins
(Montaviarte) — S. Martin dal Ciars — Cormòr (*Udin*) —
Cervignàn — Romàns — Prodolòn (San Vit dal Taiamènt (b) —
Cuar di Rostzzis — S. Laurinz di Mosse (b) — Savogne dal
Lusinz (ance da domènie dopo).
12. *s. Martin pape* — Cervignàn.
14. *II domènie* — Romàns dal Luzinz — Osseche (Vituje): S. Mar-
tin — Savogne dal Luzinz (b).
19. *s. Elisabete* — Romàns dal Lusinz (ance la domènie dopo) (b).
20. *s. Feliz* — Flambri — Vilote (Cions) (b).
21. *III domènie* — Madone de Salù* — Romàns dal Lusinz (b) —
Tamaù (Paluzze) — Racolane — Mels — Frassinèt (Fors A-
voltri) — Bordàn — Cis'celgnûf — S. Quirin di Avian — Pes-
sincane (Flum) — Vico (Fors di sore) (b) — Muez (b) — Puie

(Prate di Pordenòn) (b) — Flum — Navaròns — Resiute — Pieris — Peonis — Dimpònz (Tulmièz) — Aurave (S. Zorz de Richinvelde) — Raussèt — Sedilis — Sequals — Avile (Buje) — Tramònz di sore — Noiarèt (Coseàn) — Risàn — Dignàn dal Tinimènt — Polcenigo — Basèlie (Spilimbèrc).

25. *s. Catarine* — *Udin* — Boreane (Crgde).
26. *s. Gaudènzio* — *Udin*.
28. *IV domènie* — Cormòns — Anduins — Zomeais (Cisèriis).
30. *s. Andree* — Zuviel (Ravasclèt).

DICEMBAR

5. *I domènie* — Liuzzùl — Amàr — Tulmin — Taurian (Spilimbèrc) — Maiàs (Enemònz) — Frisàne — Tor di Pordenòn.
6. *s. Nicolò* — Crede.
8. *Imacòlade C.* — Vidulis (Dignàn) — Taipane — Valnoncèl — Ruvigne — Budoe — Trep di Paluzze — Blessàn — Gòdie (Udin) — Cùie (Cisèriis) — Segnà — Arte — Poz (S. Zorz de Richinvelde) — Tavagnà — Trasaghis.
13. *s. Lùzie* — Arte (b. t. c.) — Budoe — San Lùzie (*Gurizze*) — *Udin* (al Redentòr) — Venzòn — Sedilis (Cisèriis) — Top — Colze (Enemònz) — Raspàn — Prat di Pordenòn: sagre de glèsie — Fusee — Glemone — Purzùs (Atimis) — Murlis (Zèpule): sagre di S. Lùzie — Zuviel (Ravasclèt) — Lauc — Sante Lùzie di Tolmin.
19. *s. Tomàs* — *s. Tomàs di Scile* — Pertèulis. Ciadugnee (Tulmièz) — Pertèulis: *s. Tomàs* — Scile: *s. Tomàs*.
21. *s. Tomàs* — Pertèulis.
26. *Ultime domènie* — S. Stiefin — Cesclàns (b) — Rude — Fusee (Tulmièz) — Sedean — Gradis'ce (Spilimbèrc) — Salcàn (b) — Vipau — Ciadugnee — Gradis'c (Spilimbèrc) — Salcàn (b).
28. *Sanz Nozèns* — Tresesin.

El meracul.

Agnoruns indaûr al jere capelàn a Ciargnà un Vignût di Reane, ma la int dal paîs no jere veramentri masse contente di pre Josèf, capitât jù dal Roiâl; je 'e varès vût a plasé c' al fòs stât nomenât un Straulin di Feletis e 'e faseve di dut par podê mandàlu vie.

Al muini i dulive il cûr a viodi il pûar predi a patî senze nissune colpe e une sere dopo rosari in sacristie lu borde :

— C' al viodi ben pre Josèf di savési regolà!... Bisugne che lui la fieste al spiegghi i vanzelis un fregul plui a la sclete; c' al sedi plui a la man cu' la int e c' al vadi a ciatà almancul une volte par setemane Rico de Fàrie c' al è conseîr te Comune... Ma nol baste; bisugne c' al fasi ance un meracul!

— Un meracul, pardiane! — Al rispuindè maraveât pre Josèf.

— Dal sigûr, un meracul! — e al scomenze a contà sui dêz : — Pre Bepo Magnàs, quindis ains indaûr, al à fat vigni la ploe a fuarze di preà di di e di gnot, indulà che jerin doi mès che nol ploveve; pre Antoni Paolèt al a fat guarì une pùore derelite che veve une tele sui palmóns, pre Nozènt Badìn, la sante creture che jere cà prime c' al vignis lui, quan' c' al à puartât il vueli sant a sior Tite Ciandòt, une canae c' al à simpri vivût su la scusse de pùare int, al à savût cussì inzingaràlu che il moribònt al à cambiât dal dut el testamènt e al à lassade la sostanze a la glésie e ai pùars dal paîs... E cussì cun t' un bon meracul once lui si met a puest, la int 'e à sudizion, 'e devente buine, e 'e ven plui vultintîr in glésie...

Pre Josèf Vignût al reste un fregul sore pinsîr :

— Un meracul, un meracul!... Si sta pôc a dilu. — E intânt al ciamine sù e jù, al tabache, si sgnofre il nâs e po si ferme.

— Sintît, Bortul: mi judaiso vó a distrigàmi?...

— Cun dut el cûr — al rispuint sinzêr il muini. — A mi mi baste di viodilu legri e contènt, sior capelàn.

E cussì pre Josèf i spieghe di puartà par domènie di matine sul ciast, parsore la sacristie, un colòmp; di leàlu ben cun t' une cuardute tor d' un tráf dal sufît e quan' che lui dopo i Vanzelis al varès invocât il Spirtu Sant, Bortul, planchìn planchìn, viarte la balconete che jé tal mur parsore l' altâr, al doveve parà fûr la besteute, simpri peade, a svoletà par qualche secònt di minût.

— Vàdial ben cussì?

— Un meracul cui flocs pre Josèf.

E ducidoi ti bevin parsore un scilip di blanc.

* * *

Te domènie matine, prime ancemò di sunà dì, il muini al puarte disore il colòmp c'al veve comprât la sere prime dal famei di un sior di Risàn, e al prepare dut par fil e par segno in maniere che la robe 'e vadi slisse.

Dopo la messe des undis pre Josèf al spieghe i vanzelis e po al fâs la so brave paternàl a dut il popul di Ciargnà.

— Us spiete l'unfiar, fradis miei, se no cialais cun plui cûr lis règulis de glésie! Ricuardaisi! Parcè no vignîso mai a lis funziions? Il Signór c'al è da par dut e c'al viôt, al cognòs el miò crùssio par voaltris peciadôrs! Solamentri jo 'o pensi a la salvazion de uestre ànime e 'o prei il Signór par che us perdoni! — Si volte viars l'altàr, al alze lis mans adàlt e al invoche:

— Spirtu Sant ven in miez di noaltris e cu' la to presinze sigure cheste int danade che jé in fal! Ven ca Spirtu sant benedèt!

La int maraveade s'inzenogle instupidide e pre Josèf sigûr dal meracul al continue plen di calôr la so preiere.

Ma ce dal diambar nàssial sul granàr? Cui barùfial là parsore che si sint a ribaltà ciadreis, il muini a zigà come un mat e une béstie che sofle e che sgnaole?...

Il predi al scomenze a sudà, al capîs che qulchi ciosse di straordenari al devi jessi capitât e oramai al varès une voe mate di fà il meracul la domènie che ven; la confusion sul granàr 'e crès di momènt in momènt, la int in glésie si spavente par paùre di qualchi ciastie di Dio, ma pre Josèf al tente pe ultime volte:

— ... Ven ca in miez dai peciadôrs a cambiàur la cus-sienze!... Spiritu sant!

Il puâr muini nol pò plui: mior jessi sot tiare plui-tòst di fà fà ché brute figure a pre Josèf c'al è tant bon! Ma sintint che chel benedèt omp al continuave simpri a clamà e cui sa trop a lunc c'al varès tirade la solfe, a la ùltime invocazion, ròs in muse e cui voi plens di làgrimis, al viarz la balconete e al zighe al predi c'al spietave simpri cui braz jevâz adàlt:

— Sior capelàn!... Lu à mangiât il giat!

S' al forne a nasci...

Pieri mi dis: — Al è voltât il mont:
Se 'o torni a nasci 'o fâs il contadìn;
Uei vignì sù sbraiòn, ont e bisònt,
Spieigul, tichignôs, mûl e citìn;

Uei rangiâ il forestîr e il citadìn
E no fâi di ciapiel par nissùn cont;
Uei tontonâ cun duc' e par morbìn
Ridi te muse al professor e al cont.

Là puedistu ciatà ché libertât
Di fevelà di dut cence rispiet,
Di olsà ce che tu ûs e fâle france?

Ché sante libertât che jé un difiet
Par dut fûr che in campagne, e che nus mance
A nó c'ò sin usâz t' une citât? —

Jo i rispuìnt: — Puar minciòn!
Ué il rispiet, ch' al fâs rime cun afiet,
No'l è un prodòt zentil de educazion:

Al è dome un sbelèt;
Pàrilu jù: ti restarà la cragne
Che é libere in citât come in campagne.

SPARTACO MURATTI

Tresesin, 8 di avòst dal 1925.

La panza sglonfada

(Dialèt di Prât in Ciargne).

Nardìn dai Fituai còndump (1) al era un pastûar di
mont, brâf brâf par fâ s'ciapâ ogni sorte di mai tant eu
ai anemai, quant eu ai cristians.

Una biada fêmina 'a veva una sola fia di sedis ains,
di non Cesira, c' a veva la panza c' a si sglonfava a ûali
vidînt, e tropas nôz 'a pativa encia il mal dal aganiûl (2).
Chest stât 'a i comenzà daspò c' a fo al marciât di san
Martìn, a vendi una piûara.

La trista int 'a comenzà subît a meti a dalâ (3) rûbas
sul cont di ché puemuta, disint chest e chest âti.

La pòvara mari 'a era propri disperada, savìnt ce onesta e buina c'a era la so ciara fia; e 'a leva ripetìnt a due' cu la so Mira 'a era una inòcènt come la Madona, e c'a era inciamò polècia.

'A veva pensât, biadàcia, di lâ a Dalès, da pre Jacump di Linc', par fâla bedenî; ma prima 'a volè domandâ ce c'al farès Nardìn dai Fituai. Chest, dopo sintût lu fat, al disè subît cu bisigna meti su la partza un implastri fat cun t'un cimi di buiàcia fres'cia, cun certas jerbas, cun flûars dai maes, c'a i quarta a bedenî ta glisia il dì di san Giuant; e dopo pestât un pûac di madòn, fâ pissâ par-sora un frut cència peciât. Oh, daspò si devi meti dut quant in un cialdarinùt e lassâ in confusion almancul cinc oras. Passadas chestas oras, bisigna s'cialdâ e mascedâ bombèn, e po slargiâ chesta pastela sora una covertòria di fier, e mètila clipa clipa propri sora l'imbriciò. Passadas dôs oras, toli via la covertòria e fai bevi subît seir cialt, e daspò mètisi a ciaminâ bescleta bescleta almancul miègia oruta. Sicoma po cu uia 'i sin ai sîs di genâr e c'a ven a stâ la Pifania, davànt di fâ la ciaminada c'a disi tria voltas:

O santa Pifania
vèrgina e màrtara
e mari dai tria res mâgos
Oro, Vincenzo e Mira,
fai cu la mè Cesira
'a s'ciâpi subît dal so brut mâl
e cu lu so cuarp torni uâl.

Chê biada mari 'a fasè dut coma c'al veva det Nardìn, e 'a prometè a la Madona di fâ di una messa, e po 'a fasè aûat (4) di lâ a sant Antoni a Glemona ai disisiet di genâr, parcè c'a s'ciapàs bescleta la so buina fia. Passadas dutas chês oras stabilidas e fata la preiera e la ciaminada, la puemuta a' tornà a ciasa pin sglonfa cu mai e cun granc' brundulóns di panza. Ma propi un'ora dopo, lu so mâl e lu so colûar (5) al lâ a finîla tal còment, e la panza 'a si svueidâ e 'a tornà coma davànt.

Nardìn al si fasè un grant non, e chê mari e chê fia nas si stufava mai dal bedenîlu e riagraziâlu.

E dopo as finîr dutas las ciàcaras.

BEPO RUPIL

(1) Còndump - quondam, defònt.

(2) Aganiûl - again.

(3) Mett a dalâ - inventh.

(4) Aûat - vôt.

(5) Colûar - calôr.

Al Signour e san Piere in Valcelina

Una dì al Signour e san Piere i faseva viaz insieme in Valcelina. Quan' che i son staz a Celin de Sot, fra Barce e Claut, i àn vedù un om ch' al faseva tet, cioè al cuvierzeva la so ciasa de les'cia.

— Bundì, paròn! — 'a ge disè al Signour; ma chel altre, fasendo gruella da marciadant, 'a nol rispundè nua!

— Bundì, paròn! 'a ge tornà a dì al Signour; ma chel om, fasendo fenza da no... capì, al continuava al siò lavoreir.

— Bundì sior capumistre! — 'a ge disè chista volta al Signour.

— Bundì, bundì, buna zent! — al rispundè allora dut contènt l'om c' al faseva tet.

— 'A me pâr un bel lavoreir, e ancia difficile, al vostre, sior capumistre — 'a ge disè al Signour; ma però a mi 'a me sembrarès pì biel anciamò s' al fos possibile da fàlu pì gualif. Par esèmpiu, massa froschs i sporz in four.

— Al è vera; ma, erodèimelu, 'a nol è mezu da podèi fà pì pulit de cussì, al osservà al capumistre.

— Giò sì me impegne da gualivàvelu pulit, se vo me permettèi, al rispundè al Signour.

— E ce mo volèssava fà, vo allora, par impedì che i froschs i no sporze in four?

— Vo no steva pensàge; lassà che me range giò, al disè al Signour.

— Piere, dame sguelte la scàtela dai furminànz!

— Par fà ce dai furminànz? al domandà al capumistre dut spaventà!

— Par gualivà al tet! al rispundè al Signour.

— Ma nò, che vo 'e me... brusà la ciasa, invece!

— No steva preocupave de nua, vo! Se la brusa 'e la pae! Scheis 'a no mi 'n mancia!

E disendo cussì all'impia un furminant e 'a ge dà fouc a i froschs ch' i sporzeva in four, e in t'un moment i son staz brusàz duz, e al tet al è restà lissòt, gualif e biel come un speciu!

— Veva vedù ce mo' ch' a se fai, al disè allora al Signour al capumistre!

— Sì, sì, ài vedù... e ve ringràzie e ve augùre bon viaz. Beveise miez liter de vin da Maria; lu pae giò volanteir, al concludè al capumistre.

Fat chist i se mettèr in viaz; e al Signour a ge disè a san Piere: — « Oh Piere, tu vedaràs mo ce ch' al sucèt

adès! Nos no sarèn gnancia a Cimulae, che chel capumistre 'a ne cuorerà d'avour! —

— Diseva dabòn, Signour? al rispundè san Piere.

Al capumistre intànt 'a no se stufava da vordà al tet cussì ben finì e lissòt, e fra sè al diseva: — Soi prope contènt, parcè che vuoi i 'nd ài imparada una! —

E al continuà al siò lavoreir, covrendo de bos'ciàis la restante part de la ciasa. Quan' che al à vù finì, al giavà four la scàtela da la gofa, al impià un furminànt e a ge dà... foc ai froschs dal tet!... Ma ce èsel e ce no èsel, invece dei froschs solamente, al ciapa foc dut quant... e in t' un àtimu le flame 'i brusâr nò soltanto al tet, ma la ciasa, i liez, al fen, la travamenta e dut ce ch' al era dentre!

Al capumistre, desperà a ode un tiru compàgn, 'a se met le mans dai ciavei, e 'a nol finiva da vai e urlà: — Ce mai sarà de me! Ce mai sarà de me! — Al foc al era sta cussì violènt, che i omi e le fèmene de Celin de Sot e de Sora, cu' le pòdene da l'aga, i no aveva podù impedì la distruzion dal fabricato.


No savendo ce fà e vaint, al capumistre 'a se met a cuore come un lievre in direzion de Cimulae. Dopo un' ora e pì de corsa, cu' la lenga de four pal gran sfuarz, al zonz insòmp al Peneit i doi viaggiadours e, metèndose in zenoglòn denànt a chel c' al aveva vedù a gualivà al tet, al dis: — Fermàse, par carità! Vo 'e dovèi esse al Signour, parcè che giò dopo finì al tet ài cercià da gualivàlu ce mo' che avèi fat vo, cun un furminànt; ma invece da gualivàse, 'a se à brusà nò soltanto al tet, ma la travamenta e dut, e a momènz 'e brusave dute le ciase e i stalis de Celin de Sot! Par carità tornà in d'avour cun mè, se nò giò 'e soi parà su la strada e ruvinà par sempre! —

Al Signour 'a lu vordava fìs e al faseva fenza da maveàse che lui, capumistre, a nol fòs sta bon da gualivà al tet ce mout c' a ge aveva insegnà un puoc prima. Finalmente 'a se à movù a compassion e 'a ge à dit:

— E ben, zilà, no steva vai par chist; giò no ài timp da tornà a Celin, parcè che i me spieta a Nert, però tornà pura belsoul laù, che ciatarèi la ciasa duta in ordin, come prima dal foc. No vuoi la vostra ruvina; ma però da chì in denànt 'a nol sarà mal par vo se ve mostrarei un può pì modèst cu' la zent, e se no ve fasarei ode tant superbu par savèi mete quatre bos'ciàis de les'cia su la vostra casera! —

Barcis, luglio 1925.

GIUSEPPE MALATTIA DELLA VALLATA



Societât Filologjche Furlan
Biblioteche

UD - Inventâri n. PER 00126

